

尚

書

後

案

尚書後案卷十三

東吳王鳴盛學

周書

金縢

既克商二年王有疾弗豫

釋文曰豫本又作忤

王曰既克商二年克殷明年也

疏曰武王伐紂明年武王有疾不悅豫

王以文王受命十三年伐紂既殺紂即當稱元年克紂稱元年知此二年是

伐紂之明年也

案曰詩幽風譜引鄭注謂武王于文王崩後六年伐紂後二年有疾王及偽

傳以為克商明年然經言既克商二年則是既克商而又二年明不數克商

之年也故鄭以為後二年王及偽傳皆非是又說文卷十下心部念字注云

从心余聲周書曰有疾不念念喜也羊茹切史記作不豫偽孔從之又改不

為弗當以說文為正郭忠恕汗簡卷中之二云念古文尚書豫與說文合

二公曰我其為王穆卜周公曰未可以戚我先王公乃自以為功

釋文曰為字偽反戚千歷反。案曰穆史

記作穆徐廣曰古書穆字多作穆

鄭曰二公欲就文王廟卜戚憂也周公既內知武王有九齡之命又有文王

曰吾與爾三之期今必瘳不以此終故止二公之卜云未可以憂怖我先王

也尙書疏。林之奇尙書全解二十六卷。史記三十三卷魯周公世家集解。傳曰穆敬戚近也召公太公言王疾當敬卜吉

凶周公言未可以死近我先王相順之辭周公乃自以請命為已事疏曰釋

訓云穆敬也戚是親近故為近也武王時三公惟周召與太公知二公是召

公太公也言王疾恐死當敬卜周公言王既定天下當成就周道未可以死

近我先王死則神與先王近也二公恐王死周公言王未可死是相順之辭

鄭云云如鄭此言周公知王不死先王豈不知乎而慮先王憂也

案曰鄭以穆卜為就文王廟卜者僖二十四年傳富辰言晉蔡等國為文之

昭邢晉等國為武之穆疏云自后稷以後一昭一穆文王于次為穆是文子

為昭武子為穆釋故鄭以穆卜為于文王廟卜也逸周書卷一文酌解云三

穆一絕靈破城二筮奇昌為三龜從兆凶似穆卜為古人問卜之名蓋周家

有大事輒詣文王廟卜其後遂名此卜曰穆卜傳訓穆為敬雖本釋訓穆穆

為敬其義非也鄭又云周公內知云云者據禮記文王世子文也傳解戚為近既屬穿鑿且周公方欲止二公之卜而自為請代如徒為相順之詞則當與二公同卜矣何為獨自潛卜不使二公知乎傳非也周公知王不死而必請代者君疾方危憂之深也止二公卜而自以為功者公親二公疎也功史記作質謂公以已質于三王以代武王是亦得為一義但下文乃得周公所自以為功史記亦作功不作質則此自當從功謂公欲為已功如鄭義也

為三壇同壇為壇於南方北面周公立焉釋文曰壇從丹反壇音善

鄭曰時為壇于豐壇之處尚書猶存焉馬曰壇土堂釋文傳曰因太王王季

文王請命于天故為三壇壇築土壇除地大除地于中為三壇疏曰三王每

王一壇故三壇除地為三壇又為壇于南方亦當在此壇內但其處小別故

別言之周公北面則三壇南面可知

案曰鄭云云者漢地理志鄠水出扶風鄠縣東南後漢書言鄭鹵入關事馬

融則鄭曾至鄠親見遺址也傳云壇築土壇除地者祭法注云除地曰壇封

土曰壇謂墾去艸萊闢除空地為壇即于其中聚土築之為壇也吳澂曰古

禮凡於遠祖之無廟者及宗子去其宗廟而在他國者及支子雖在本國而於禮不得入廟者或有禱告必須墁地為壇以棲祖考之神周公支子為臣故不敢告廟而為壇以告也

植壁秉珪乃告太王王季文王

釋文曰植特緣反徐音。案曰史記作戴。

鄭曰植古置字

尚書疏。陳樞書傳纂疏四卷。詩二十之三卷商頌那疏。同馬光顯篇六卷中。

傳曰璧以禮神植置也置于三

王之坐周公秉桓珪以為贊告謂祝辭疏曰周禮大宗伯以蒼璧禮天詩說禱旱圭璧既卒是璧以禮神周禮公執桓圭知周公秉桓圭

案曰鄭云云者論語植其杖而芸蔡邕石經作置其杖而耘商頌那篇置我鞞鼓箋云置讀曰植說文植字重文作植集韻亦或作植汗簡卷中之一亦有植字云見裴光遠集綴是植置同也珪者古文圭字見說文土部傳云璧以禮神珪以為贊而非禮神者蓋因一植一秉推而知之

史乃冊祝曰

釋文曰祝如字或之疾反。案曰冊史記作策古字同用。

鄭曰策周公所作謂簡書也祝者讀此簡書以告三王

史記卷周本世家集解傳曰史為冊

書祝辭也

案曰鄭以冊爲策謂簡書者冊策同儀禮聘禮記云百名以上書于策不及百名書于方注云名書文今謂之字策簡也方板也疏云簡者未編之稱策是衆簡相連之名鄭論語序云易詩書禮樂春秋策皆尺二寸孝經謙半之論語四寸三分居一又謙焉是策長短鄭注尙書三十字一簡服虔注左氏云古文一簡八字是簡容字多少百名以下不假連編之策一板書盡故言方板也此祝詞百二十八字故書于冊也鄭以策文周公自作而傳云史爲冊書祝辭非也

惟爾元孫某遘厲虐疾釋文曰遘工豆反

鄭曰諱之者由成王讀之也鄭傳曰元孫武王某名臣諱君故曰某厲危虐

暴也疏曰本云元孫發諱曰某牧誓不諱發此獨諱之孔惟言臣諱君不解

其意鄭云成王讀之當謂成王開匱得書王自讀之至此字口改爲某史錄

爲此篇因遂成王所讀故諱之牧誓王自稱者今入史制爲典故不須諱

案曰鄭云者此冊周公作之以告三王父前子名斷無諱發而稱某者厥

後成王得此冊讀其文必不敢稱名必言某矣史官記成王感悟迎公之事

追叙其始詳錄冊文因成王之讀而改發為某鄭說確不可易傳惟言臣諱君不知所謂臣者為誰若謂初時作冊即諱則武王尙在而諱其名是預死其君也且周公祭文王徹詩猶曰克昌厥後今武王未沒又當三王前安得諱其名乎若謂錄此篇書時乃諱之則成王得此冊時已當舍故諱新之後猶直斥武王名乎偽孔欲求異于鄭而不顧其說之動輒有違也

若爾三王是有丕子之責于天以且代某之身

釋文且不責惡反馬同音甫者反鄭音不

鄭曰丕讀曰不愛子孫日子元孫遇疾若汝不救是將有不愛子孫之過為天所責欲使為之請命也

尚書疏。河馬貞史記索隱十卷

傳曰天子之責謂疾不可救于天則

當以且代之外生有命不可請代聖人叙臣子之心以垂世教疏曰責讀如左傳施舍已責之責謂負人物也天子之責于天言負天一大子謂必須死鄭讀丕曰不與孔異鄭元弟子趙商問元曰若武王未終疾固當瘳信命之終雖請不得自古以來何患不為元答曰君父疾病方困忠臣孝子不忍默爾視其歔歔歸其命于天中心惻然欲為之請命周公達於此禮著在尙書若君父之病不為請命豈忠孝之志也

案曰鄭云云者中庸子庶民鄭注子猶愛也皋陶謨曰子弗子故不子為不愛不讀不者說文云丕大也從一不聲丕既以不為聲自可借為不字尚書以不為不不為丕者甚多鄭讀丕為不正其讀耳非改其字也史記丕作負

蓋不有跗音又有浮音負與跗浮皆語有輕重耳是假借字也白虎通曰天子曰不

侯曰負子子民也言負民不復子之也公羊傳曰屬負亥禮記音義曰天子曰不不讀謝侯曰不不然則案隱乃

云謂三王負于上天之責是不識負字故也且云鄭讀丕為負妄改鄭讀以

遷就史記大可異矣若傳言天子之責謂疾不可救于天義甚闇晦疏曲附

之謂責如左傳已責之責言負天一大子是何言哉總出誤會史記負字而

牽合傳意耳可見漢人所用之字唐人已罕識矣

子仁若考能多材多藝能事鬼神乃元孫不若且多材多藝不能事鬼神

傳曰我仁能順父又多材藝能事鬼神言可以代武王之意

乃命于帝庭敷佑四方用能定爾子孫于下地四方之民罔不祇畏

馬曰武王受命于天帝之庭布其道以佑助四方史記晉周介世家集解

案曰馬以帝為天者大雅文王在帝左右毛傳以帝為天是也敷為布者禹

貢鄭注義同也佑為助者釋詁右助同訓勳故得轉相訓說文卷八上人部

無佑字古但作右卷三下又部云右手口相助也是也

嗚呼無陸天之降寶命我先王亦永有依歸

案曰魯世家實作保留侯世家徐廣注云史記珍字皆作森然則寶存通也

鄭曰降下也寶猶主也有所依歸為宗廟之主也

史記魯周公世家案解上案曰猶主也俗刻誤作精神也今從虞翻王氏刻改

案曰鄭云降下也者說詳禹貢寶猶主也者周易繫辭傳云聖人之大寶曰

位天命武王居天子位為天下主是寶命也又云為宗廟之主也者哀公問

云為天地宗廟社稷之主彼疏據駁異義指謂天子是也

今我即命于元龜

馬曰元龜大龜也

史記魯周公世家案解

傳曰就受三王之命于大龜卜知吉凶

案曰馬云云者說詳西伯戡黎傳以即為就釋詁文

爾之許我我其以璧與珪歸侯爾命爾不許我我乃屏璧與珪

案曰香齋書選屏卑正反

馬曰待汝命武王當愈我當歿也

史記魯周公世家案解

傳曰屏蔽也

案曰馬以俟為待者釋詁及說文卷十下立部皆云俟待也卷八上人部俟

字則云大也引詩任任俟俟為證今以俟為俟或俗訛或古通也傳以屏為

藏者說文尸部云屏蔽也屏有隱蔽義故爲藏禮記曾子問天子諸侯將出以幣帛皮圭告于神明奉以出反必告設奠卒歛幣玉藏兩階之間是以玉禮神事畢藏之也

乃卜三龜一習吉

傳曰習因也以三王之龜卜一相因而吉疏曰習則襲也襲是重衣之名因前重之故習爲因也三龜並卜卜有先後後者因前故云因也周禮太卜掌三兆之法一曰玉兆二曰瓦兆三曰原兆三兆各別三代法也洪範卜筮之法三人占從二人之言是三代之法並用之故知三龜三王之龜未見占書已知吉者卜有大體龜觀可識也

案曰三龜以爲太卜三兆可也而傳云三王之龜疏云三代法意指夏殷周則非也蓋太卜三兆三易鄭意皆不指夏殷周玉兆瓦兆原兆乃灼龜發火似玉瓦原之鱗原原田也說已詳洪範

啓籒見書乃并是吉

釋文且籒于若反徐以暑反并必改反○案且鄭周禮下師注引啓作開

鄭曰籒開藏之管也開兆書藏之室以管乃復見三龜占書亦合於是吉

王天與與書集
傳二十四卷

馬曰籥藏卜兆書管

釋文〇劉三吾
謂傳會遊四卷

王曰籥開藏占兆書管也

記音屬公世

解傳曰三兆既同吉開籥見占兆書乃亦并是吉疏曰占兆別在于藏太卜
三兆之下云其經兆之體皆百有二十其頌皆千有二百占兆之書彼頌是
也

案曰鄭云籥開藏之管云云者藏兆書之室有鍵閉之今用籥開此鍵論文
當言以籥啓室見書嫌文錄省之不可言籥啓故又倒言啓籥也說文竹部
籥字注云書僮竹管也門部闕字注云闕下牝也然則此當从門而从竹者
古字通也說文之義與鄭此注亦不合蓋鄭以籥爲管謂是開鍵之物者周
禮地官司門掌管鍵以啓開闕門鄭司農云管謂籥鍵謂牝與鄭此注合若
依說文以闕爲闕下牝則闕卽是鍵而非管矣彼司門疏云管籥以啓門鍵
牡以開門故雙言啓閉此物似今之瑣匙而實與今不同鍵猶瑣中須如今
所謂瑣簧管則猶瑣匙而與今瑣匙異今之瑣匙其形是牝却有眼以受簧
古之管則全是牝形插入瑣中以韜簧者簧韜則瑣開月令孟冬云修鍵閉
慎管籥彼注云管籥搏鍵器彼疏云管籥與鍵閉別文則非鍵閉物故云搏

鍵器鄭注確不可易如說文以箭爲鍵與鄭正相反今此經啓箭若依說文解之以箭爲鍵而謂以管開此箭于文似順乃必從鄭者鄭與周禮禮記合又與先鄭合且使箭卽鍵閉而云啓箭則文太鄙俗不類尙書之體故不可執說文解此經而與鄭違也鄭又以書爲占兆書者卜師掌開龜之四兆一曰方兆二曰功兆三曰義兆四曰弓兆注云開開出其占書也經兆百二十體今言四兆者分之爲四部若易之二篇書金縢曰開箭見書是謂與方功義弓之名未聞然則此經見書卽彼四兆書啓箭者卜師啓之也

公曰體王其罔害予小子新命于三王惟永終是圖

傳曰公視兆曰如此兆體王其無害言必愈我小子新受三王之命武王惟長終是謀周之道疏曰周禮占人云凡卜筮君占體大夫占色史占墨卜人占圻鄭元云體兆象也色兆氣也墨兆廣也圻兆醫也尊者視兆象而已卑者以次詳其餘也周公卜武王占之曰體王其無害鄭意此言體者卽彼君占體也但周公汲汲欲王之愈必當躬省兆繇不惟占體而已但鄭以君占體與此文同故引以爲證耳

案曰傳云云疏引占人云云注云云者彼疏云體兆象者謂金木水火土五種之兆言體言象者謂兆之縱橫其形體象似金木水火土也凡卜依四時灼龜四足直上向背者爲木兆直下向足者爲水兆邪向背者爲火兆邪向下者爲金兆橫者爲土兆是兆象也云色兆氣者就兆中視其色氣似有兩及兩止之等是兆色也墨兆廣者據兆之正彙處爲兆廣圻兆彙者就正墨傍有奇彙者爲兆彙也體有吉凶色有善惡墨有大小圻有微明吉善大明則吉惡小及微皆凶也引周公云云者證君占體之事也此疏甚明蓋君尊大夫卑卜史又卑所占宜有大小詳略故其差如此然體色墨圻實非截然判分四事此經上文疏引太卜三兆云云彼注云頗謂繇也百二十每體十繇體有五色又重之以墨圻五色者洪範所謂曰雨曰濟曰暵曰暵曰尅彼疏云體者謂金木水火土五兆之體若然龜兆有五而爲百二十者則兆別分爲二十四分云其頗千有二百者每體十繇故千二百也云體有五色又重之以墨圻者占人云云彼注云云若然體色墨圻各不同今鄭云云則四者皆相因而有也何者以其有五行兆體體中有五色既有體色則因之

以兆廣狹爲墨又因墨之廣狹支分小墨爲坼是皆相因之事也此疏尤詳析以卜人占坼言之假如于金木水火土五兆中占得一體再進而觀其色于兩濟圖靈克五色中是何色色定矣再進而觀其墨之廣狹何如終乃進而觀其坼之微明何如是謂卜人占坼也是不敢以一占遽定故重累占之也人君位尊舉事既謀乃心不敢自是又謀卿士庶人而筮且卜得一兆兆別分二十四分以察其吉凶又攷其頌一兆凡二百四十頌又玉瓦原三龜並卜其體皆百二十頌皆千二百則每占一兆兆別有七十二分頌有七百二十攷之已詳事已可定不必再問色墨坼矣若然洪範言五色不言體墨坼舉中以括上下也又五行是體兩霽等是色而洪範疏據今龜法五行疑其與兩霽等同異如何是混體于色亦誤也君既占體必攷其頌凡卜皆然若不攷頌何知吉凶而此疏乃云公必躬省兆繇不惟占體而已亦誤也又太卜兆體五而中庸動乎四體注龜四足則體有四者太卜注又言以火灼龜之法春灼後左夏灼前左秋灼前右冬灼後右與中庸注同是灼此四體以發彼五體之兆此經所言體乃五兆之體也五體孰吉孰凶五色孰善孰

惡則不可攷矣詩術風雨卜而差體無符言非君而占體此失隨事不可例論

茲攸俟能念予一人

鄭曰茲此也史記魯周公世家集解馬曰一人天子也史記魯周公世家集解

案曰鄭云云者釋詁及論語子罕篇孔安國注文馬云云者曲禮下篇文也

公歸乃納冊于金縢之匱中王翼日乃瘳釋文曰瘳勅留反

鄭曰縢束也凡藏秘書藏之于匱必以金緘其表內書疏。案縢者傳集疏四卷。劉三吾等書傳會通四卷。真從秀讀書記

乙集傳曰歸從壇歸翼明瘳差也疏曰壇所即卜故從壇歸翼明釋言文經云

金縢之匱則金縢是匱名詩述輶弓之事云竹閉親縢毛傳云親繩縢約束

也滕王鄭云束又鄭喪大記注云齊人謂棺束為緘家語稱周廟內有金人

三緘其口則縢是束縛之義藏之于匱束之以金若今釘鑠之不欲人開也

案曰鄭云云者此所納冊即下文王與大夫所啓占人凡卜既事則繫幣以

比其命歲終則計其占之中否注云既卜史必書其命龜之事及兆于策繫

其禮神之幣而合藏焉書曰王與大夫盥弁開金縢之書是命龜書然則既

卜而藏其書本常禮此重秘書故又特加金緘也

武王既喪管叔及其羣弟乃流言于國曰公將不利于孺子

釋文曰喪蘇氏反

鄭曰管國名叔字周公兄武王弟封于管羣弟蔡叔霍叔既喪請喪服除武

王崩周公為冢宰免喪服意欲攝政小人不知天命而非之故流公將不利

于孺子之言于京師于時管蔡在東蓋遣人流傳此言于民間也孺子謂成

王也自書疏。詩二之一卷。趙盾衛諸侯。又八之。傳曰。武王死周公攝政其弟管叔及蔡

叔霍叔乃放言于國誣周公惑成王以周公大聖有次立之勢遂生流言孺

稚也稚子成王疏曰傳既言周公攝政乃云其弟管叔蓋以管叔為周公之

弟孟子曰周公弟也管叔兄也史記亦以管叔為周公兄孔似不用孟子之

說

案曰鄭云管國名叔字封于管者周本紀云封弟叔鮮于管僖二十四季傳

杜預注管國在滎陽京縣東北是也云周公兄武王弟者管蔡世家云武王

同母兄弟十人母曰太姒文王正妃也其長子曰伯邑考次曰武王發次曰

管叔鮮次曰周公旦次曰蔡叔度次曰曹叔振鐸次曰廊叔武次曰霍叔處

次曰康叔封次曰聃季載據此則十人同母後漢襄楷傳云文王一妻誕我

十子與史記合也管叔蔡叔霍叔卽大誥序所謂三監逸周書作維解武王克殷立王子祿父俾守商祀建管叔于東蔡叔霍叔于殷俾監殷臣是也獸三爲羣人三爲衆通言之人亦可稱羣故云羣弟也史記所列十人序次當據世本言必可信乃定四季傳長宏言蔡叔康叔之兄而賈逵杜預并以蔡叔爲周公兄蓋據億二十四季傳富辰言文之昭十六國蔡在魯上爲說然富辰或可隨便言之未足據也又祝佗言武王之母弟八人周公爲太宰康叔爲司寇聘季爲司空五叔無官豈尙季哉八人者伯邑考前死不數武王故八也無官者非無爵邑之謂若管若蔡若鄭若霍皆其封邑但非周公等爲六卿之長可比故曰無官耳周公于管叔爲弟康叔聘季于曹鄭霍皆爲弟而並爲六卿佗言此以明不尙季之意其下遂言曹文之昭也晉武之穆也曹爲伯甸非尙季也蓋曹之祖振鐸文王子晉之祖唐叔虞武王子曹乃晉之叔父行齒尊長晉侯爵而曹伯爵故非尙季也此就五叔中抽出言之耳而杜以振鐸與武王異母解五叔于管蔡鄭霍外去振鐸而易以毛叔聃毛叔聃無可考不知杜何據此皆諸說之與史記互異者今自當以史

記爲定至于管叔爲周公兄則自古相傳初無異說其以爲周公弟者獨有
僞孔及白虎通卷下姓名篇彼文云文王十子伯邑考武王發周公旦管叔
鮮蔡叔度曹叔振鐸成叔處霍叔武康叔封南季載子所據元大德九季刻
雖舊本但諛脫甚多恐不足信究當以史記爲正鄭又云既喪謂喪服除周
公爲冢宰免喪服欲攝政者鄭以流言是武王崩後三季事也鄭必爲此解
者定四季傳云周公爲太宰禮君薨百官摠已以聽于冢宰三季當武王初
崩周公固已攝政自是常禮不應致疑及免喪成王幼將代攝其位三叔疑
公欲依殷禮兄死弟及故流言起也流言者如水之流僞行云聞流言不信
是也

周公乃告二公曰我之弗辟我無以告我先王

釋文曰辟扶亦反法也說文作僻亦反治也
馬鄭音避。案曰法治二字直誤釋文單行足

本及注疏所
意同今改正

鄭曰避謂避居東都言我今不避孺子而去我先王以謙讓爲德我反有欲
位之謗無告于我先王言愧無辭也居東者出處東國待罪以須君之察已

釋文。陳大猷書集傳或問下卷。王天與尚書集傳二十四卷。陳師說書傳旁通四卷下。毛
詩八之一卷。爾雅釋詁。李揚黃樓毛詩集解十八卷。禮記明堂位疏。金履祥通鑑前編七卷。傳曰辟法

也言我不以法法三叔則我無以成周道告我先王疏曰辟法釋詁文

案曰鄭云云者鄭意以辟卽下文居東謂避居東都也僞孔訓法則謂誅殺以居東爲卽東征一聞流言卽往征而誅之必無此事且此流言乃在未叛之前亦王未迎周公之前事也下大誥序始言武王崩三監叛此則在迎歸周公之後矣流言與叛兩時也兩事也而傳併爲一談以此流言卽爲叛時何其妄也且使羣叔果與武庚同叛矣公之誅之宜也成王雖情愚亦何至既誅三監猶有未悟必待風雷之感金縢之啓始釋然乎蔡仲之命羣叔流言乃致辟管叔于商此僞古文不可信卽可信亦是撮叙始末不當以致辟膠黏流言之下猶大誥序武王沒三監及淮沔叛沒與叛相隔甚遠非連敘也說文卷九上辟部彗字注云治也卽引周書我之不彗爲證訓治則仍作彗驗其事解非誅殺然亦不如鄭作避居爲是墨子卷十一耕柱篇云周公旦非關叔辭三公東處于商蓋關叔卽管叔商蓋卽商奄也吳君高越紕錄云周公傅相成王管叔蔡叔不知周公而讓之成王周公乃辭位出巡狩于邊皆與鄭合也

周公居東二季則罪人斯得

鄭曰罪人周公之屬黨與知居攝者周公出皆奔今二季盡為成王所得謂

之罪人史書成王意也何嘗統約鄭義。毛詩圖風講疏。久入之二卷。應鶴疏。禮記明堂位疏。王曰東洛邑也管蔡與商

奄共叛故東征鎮撫之案驗其事二年之間罪人皆得詩序三季而歸此言

居東二季其錯何也曰書言其罪人斯得之季詩言其歸之季也何嘗疏。王天與白雲集傳二

十四卷。毛詩圖風講疏。傳曰周公既告二公遂東征之二季之中罪人此得疏曰詩東山之

篇歌此事也序云東征知居東者東征也詩曰自我不見于今三季又云三

季而歸此言二季者詩言初去及來凡經三季此直數居東之季除其去季

故二季也

案曰鄭以罪人為周公屬黨周公出避之後屬黨為王所拘執者鄭以斯時

公之心跡未明王疑方甚則此事實情理所有况此時武庚未叛管蔡未誅

罪人斯得舍此將何所指乎鄭說是也李鼎祚周易集解于蒙初六用說桎

梏引干寶云此成王始覺周公至誠之象將正四國之罪宜釋周公之黨然

則康成此注干寶已引用之古書多凶無可援證在鄭當日必別有據也王

及傳以居東爲東征其謬已辨見前疏以二季三季不合曲加同護皆非也
逸周書作雒解云武王既歸乃歲十二月崩鎬肆于岐周公立相天子三
叔及殷東徐奄及熊盈以略周公召公內弭父兄外撫諸侯明季夏六月葬
武王于畢二季又作師旅臨衛攻殷殷大震潰據此似流言之明季卽東征
者故王及傳以居東爲東征也鄭以居東爲避居東都者據墨子等書周公
實有避居事居東非東征也作雒解摠叙武王克殷以迄作雒其季次有凌
越而過非必比季接叙卽如所云武王既歸乃歲十二月崩鎬孔鼂注云謂
乃後之歲則非比季接叙者也然則元季葬武王者謂武王崩後踰季改元
之季二季作師旅者謂周公攝政之二季不可以二季文承元季季下遂謂比
季相接以此難鄭也

于後公乃爲詩以貽王名之曰鳴鴉王亦未敢謂公

釋文曰貽平支反各如字律也改反鳴
尺夷反鳴吁嬌反請在美反。案此詩

鄭當作怡卽欲爲鳴過字亦當作
詩在說文卷三上言部除俗字

鄭曰于後于二季後也怡悅也周公傷其屬黨無罪將死恐其刑濫又破其
家而不敢正言故作鳴鴉之詩以怡王今幽風鳴鴉也詩云鴛子斥成王成

王非周公意未解今又爲罪人言欲讓之推其恩親故未敢

詩幽風謠疏云久士傳月疎。又此疏

曰成王信流言而疑周公故周公既誅三監而作詩解所以宜誅之意以遺

王王猶未悟故欲讓公而未敢疏曰詩云鴟鴞鴟鴞既取我子無毀我室毛

傳云無能毀我室者攻堅之故也寧亾二子不可毀我周室言宜誅也釋言

云怡遺也鄭元以爲武王崩周公爲冢宰三宰服終將欲攝政管蔡流言即

避居東都成王多殺公之屬黨公作鴟鴞之詩救其屬臣請勿奪其官位土

地及遭風雷之異啓金縢之書迎公來反反乃居攝後方東征管蔡解此一

篇及鴟鴞之詩皆與孔異

案曰鄭云云者詩序鴟鴞周公救亂也成王未知周公之志公乃爲詩以遺

王名之曰鴟鴞焉箋云未知周公之志者未知其欲攝政之意首章鴟鴞鴟

鴞既取我子無毀我室思斯勤斯鬻子之閑斯傳云無能毀我室者攻堅之

故也寧亾二子不可以毀我周室恩愛鬻稚閔病也稚子成王也箋云鴟鴞

言已取我子者幸無毀我巢我巢積日累功作之甚苦故愛惜之也時周公

竟武王之喪欲攝政成周道致太平之功管叔蔡叔等流言云公將不利于

孺子成王不知其意而多罪其屬黨與者喻此諸臣乃世臣之子孫其父祖以勤勞有此官位土地今若誅殺之無絕其官位奪其土地鴟鴞之意殷勤于此稚子當哀憫之此取鴟鴞子者言稚子也以喻諸臣之先臣亦殷勤于此成王亦宜哀憫之正義曰此詩毛以爲武王既崩周公攝政管蔡流言又導武庚叛周公東征滅之以救周室之亂是時成王仍惑管蔡之言未知周公之志公乃作詩言不得不誅管蔡之意鄭以爲管蔡流言周公避之出居東都周公屬黨與知將攝政者見公之出亦皆奔亡至明季乃爲成王所得此臣無罪而成王罪之是爲亂政故公作詩救止成王之亂于時成王未知公志故公詩言諸臣先祖有功不宜誅絕之意以怡悅王心毛首章傳云寧亡二子不可毀我周室則此詩爲誅管蔡而作罪人斯得謂得管蔡周公居東爲出征我之不辟欲以法誅管蔡既誅管蔡然後作詩不得復爲怡悅王心當訓貽爲遺也尙書僞孔傳實本之詩毛傳但以罪人斯得爲東征誅管蔡其說既斷不可通辨已見前然則罪人將何所指知鄭注不可易也鄭又以誦爲讓者說文卷三上言鄙譏字注云燒讓也从言焦聲讀若噉才肖切

又重文諄字注云古文誰从肖卽引周書此文以證揚雄方言云誰讓也諄卽誰字故諄亦訓讓燒讓亦有讓意也

秋大熟未穫天大雷電以風禾盡偃大木斯拔邦人大恐釋文曰獲戶郭反故成八反

鄭曰秋謂周公出二季之後明季秋也毛詩國風諄疏。禮記三十一卷明堂位疏傳曰二季秋也蒙恒

風若雷以威之故有風雷之異疏曰上文居東二季未有別季之事知卽是

二季秋也嫌別季故辨之

案曰鄭云秋謂二季後明季秋者據鄭于篇末摠述數季事云周公辟居東都時成王季十三居東二季成王收周公屬黨時成王季十四明季遭雷風之變時周公居東三季成王季十五迎周公反則居攝元季也然則鄭所云二季後明季者謂二季之後亦卽二季之明季重言之耳上距始出避時周而二季實出入三季若泥後字誤以秋爲二季後第三季之又明季之秋似避居爲出入四季則謬矣僞孔以居東卽東征秋卽二季秋謬也

王與大夫盡弁以啓金縢之書乃得周公所自以爲功代武王之說釋文曰弁皮衣反徐扶說

如字徐加繁反

鄭曰弁爵弁天子諸侯十二而冠佩爲成人成王此時卒十五于禮已冠而必爵弁者承天變故降服亦如國家失道焉開金縢之書者省察變異所由故事也向者疏。詩三之三卷。衛風。淇水。疏。傳曰。皮弁。質服。以應天。疏曰。皮弁。象古。一。卷。士。氣。疏。疏。按。梁。傳。卷。文。十。二。年。疏。故爲質服祭天尙質故服以應天也周禮司服云王祀昊天上帝則服大裘而冕無旒乃是冕之質者是事天宜質服故服之以應天變也周禮視朝則皮弁服皮弁是視朝服每日常服而言質者皮弁白布衣素積裳故爲質也鄭以爲爵弁

案曰鄭以弁爲爵弁者蔡邕獨斷云冕冠周日爵弁殷曰冔夏曰收皆以三十升布爲鼓廣八寸長尺二寸加爵冕其上周黑而赤如爵頭色前小後大殷黑而微白前大後小夏純黑而赤前小後大皆有收以持笄詩曰常服黼冔禮朱干玉戚冔而舞大武周書曰王與大夫盡弁是蔡邕與鄭合也傳以爲皮弁非也據周禮司服及弁師皆無爵弁而天子爵弁見于經者惟檀弓天子哭諸侯爵弁紵衣一條鄭必以此經之弁爲爵弁者司服云視朝皮弁玉藻云皮弁以日視朝則皮弁天子視朝常服此時承天變宜有異知非皮

弁也司服又云凡兵事韋弁服凡甸冠弁服凡凶事服弁服凡弔事弁經服此數者又皆不宜于是時故推以爲爵弁也云天子諸侯十二而冠者襄九季傳晉侯問公季武子曰會于沙隨之歲寡君生晉侯曰十二季矣國君十五而生子冠而生子禮也君可以冠矣詩標有梅疏云異義今大戴禮說男三十娶女二十嫁天子已下及庶人同禮左傳說人君十五生子三十而娶庶人禮也許慎謹案文王世子曰文王十五生武王武王有兄伯邑考故人君早昏所以重繼嗣鄭元不駁明天子諸侯十二而冠冠而生子大夫以下從庶人法也云成王時十五者鄭以周公居攝四年作康誥康誥有孟侯之文謂成王季十八又以此季成王迎周公反卽爲居攝元季故推以爲成王時十五也云爵弁降服者儀禮士冠禮始加緇布冠再加皮弁三加爵弁爵弁雖尊要非天子之服故爲降也云如國家失道者玉藻云國家未道則不充其服未道猶失道也

二公及王乃問諸史與百執事

鄭曰問者問審然否也

史記魯周公世家集解

案曰鄭云云者鄭以其事已明無須復問但屬奇異不容遽信故審然否也

對曰信噫公命我勿敢言釋文曰噫于其反馬本作懿

馬曰懿猶億也釋文曰懿于其反傳曰史百執事言信有此事周公使我勿道今言之則負

周公意恨辭

案曰馬云懿猶億也者噫說文云飽食息也經典皆借為嘆詞而馬作懿者

詩大雅瞻卬懿厥哲婦箋云懿者有所傷痛之詞也疏引此經為說又大雅

有抑篇楚語作懿章昭云懿讀曰抑小雅十月之交抑此皇父箋云抑之言

噫徐邈音噫韓詩云抑意也周頌噫嘻成王定本作意淮南繆稱曰意而不

戴高誘曰意志聲蔡邕石經論語云意與之與古文意作抑然則噫意懿抑

皆同也劉熙釋名卷四釋言語篇云噫憶也憶念之故發此聲憶之也說文

無憶字當作意馬訓億億說文訓安于義無取疑馬注亦當作意與劉熙合

也

王執書以泣曰其勿穆卜昔公勤勞王家惟于冲人弗及知今天動威以彰周

公之德釋文曰冲直忠反

鄭曰泣者傷周公忠孝如是而無知之者世宗集解

案曰鄭云周公忠孝如是云云者周公於武王則為忠於文王則為孝也

惟朕小子其新逆我國家禮亦宜之釋文曰新逆馬本作親

鄭曰新迎改先時之心更自新以迎周公毛詩八之二卷王曰亦宜褒有德也案記

公世家傳曰周公以成王未悟故留東未還改過自新遣使者迎之亦國家禮

有德之宜疏曰改過自新迎之詩九戩之篇是迎之事也亦國家禮有德之

宜言尊崇有德宜用厚禮詩衮衣邊豆是國家禮也

案曰鄭以新為自新者鄭于書注及詩箋文皆作親而訓釋則為新蓋古親

與新通也馬融亦然禮記在親民程子曰親當作新語本漢儒熊朋來遽謂

程子讀親為新非漢儒所及也

王出郊天乃雨反風禾則盡起

鄭曰易傳云陽感天不旋日陽謂天子也天子行善以感天不曰旋經日案

馬曰反風風還反也案傳曰郊以玉幣謝天疏曰祭天南郊謂之郊王

出郊者出城至郊為壇告天也周禮大宗伯以蒼璧禮天牲幣如其器之色

是祭天有玉幣也鄭引易傳云云故郊之日得反風也

案曰鄭引易傳云云者易稽覽圖中孚傳文也後漢書周舉傳舉對策引易傳云云李賢注以爲稽覽圖又郎顛傳顛條便宜亦引此以爲易中孚傳王欲迎公甫出郊卽反風故云不旋日傳疏妄牽祭天非也

二公命邦人凡大木所偃盡起而築之歲則大熟

釋文曰築音本亦作祝謂築其棧

鄭曰築拾也禾爲大木所偃者起其木拾其下禾乃無所亡失也文王季十五生武王九十七而終終時武王季八十三矣于文王受命爲七季後六季伐紂後二季有疾疾瘳後二季崩崩時季九十三矣文王崩後明季生成王則武王崩時成王季十歲服喪三季畢成王季十二明季將踐阼周公欲代之攝政羣叔流言周公辟之居東都時成王季十三也居東二季成王收捕周公之屬黨時成王季十四也明季秋大熟遭雷風之變時周公居東三季成王季十五迎周公反則居攝之元季也居攝四季封康叔作康誥五季作召誥七季作洛誥伐紂至此十六季也作康誥時成王季十八故書傳云天子太子十八稱孟侯居攝七季作洛誥時成王季二十一也明季成王卽

政平二十二也

尚書疏。詩邯鄲衛誦疏。又山風誦疏。又十六之一卷大雅文王序疏。又十七之三卷大雅公劉疏。禮記二十卷文王世子疏。又三十一卷明堂位疏。穀梁傳六卷文王

二年疏。案曰揚士助。馬曰築拾也起其木拾其禾

釋文。爾雅二。王曰文王季十五

而生武王九十七而終時受命九季武王八十三矣十三季伐紂明季有疾

時季八十八矣九十三而崩以冬十二月其明季稱元季周公攝政遺流言

作大誥而東征二季克殷般管蔡三季而歸制禮作樂出入四季至六季而

成七季營洛邑作康誥名誥洛誥致政成王然則文王崩之季成王已三歲

武王八十而後有成王武王崩時成王已十三周公攝政七季致政成王季

二十。尚書洛誥疏。董是書案傳錄集注五卷。陳棟書傳纂疏五卷。劉三吾等書傳會通五卷。毛詩爾雅疏疏。禮記明堂位疏。傳曰木有偃拔起而立之

築有其根禾木無虧百穀豐熟周公之德此已上大誥後因武王喪并見之

疏曰序云將東征作大誥此上居東二季以來皆是大誥後事而編于大誥

之前者因武王喪并見之

案曰鄭云築拾也者釋言云筑拾也馬鄭王皆訓築為拾則馬鄭王本皆當

作筑釋文云本亦作筑者馬鄭王本也傳以為築有其根說文卷六上本部

云築擣也从木筑聲陟玉切劉熙釋名卷四釋言語云篤築也築堅實稱也

偽孔欲爲此解以求異于馬鄭遂改筑爲築若謂所築者是木則偃者是禾拔者是木經言大木所偃正指木拔而壓偃之禾耳不得卽以所偃爲木若謂所築者是禾則上文云大熟知此時正屆收穫之期遭風所偃拾而取之何用復加擣築其根使之堅實乎傳非也疏謂鄭注曲碎鄭文似曲碎義實是傳文似明順義實非也

又案曰傳以居東卽東征故以大誥篇所叙之事皆在居東二季句中自此以下直至歲則大熟俱爲大誥以後之事疏曲附之其說謬甚鄭歷叙三朝出入百數十季文已甚明惟居攝元季下應增于是三監及武庚遂叛周公東征明季殺武庚及管叔語詳大誥居攝三季周公歸然後繼以四年封康叔云云方爲完備

又案曰史記魯周公世家所載金縢一篇事其牴牾者甚多而尤異者有二說焉其前一說則云作詩貽王之後營成周維維以朝諸侯七年之後還政成王初成王少時病周公乃自揃其蚤沈之河以祝于神曰王少未有識奸神命者乃旦也亦藏其策于府成王病有瘳及成王用事人或謂周公周公

奔楚成王發府見周公禱書乃泣反周公此一說也其後一說則云周公病將沒曰必葬我成周以明吾不敢離成王公卒王葬公子畢從文王以明予小子不敢臣周公周公卒後秋未獲暴風雷雨王開金滕見書曰朕小子其迎云云此一說也又蒙恬列傳秦二世令人賜恬舛恬對使者稱引周公之事其說與前一說同譙周謂秦既燔書時人欲言金滕之事失其本末故有此說王充論衡卷十八感類篇亦並載二說與史記略相似而以前一說爲古文家說則後一說乃今文家說也前說于代武王外增代成王居東都爲奔楚雖誤猶近之後說所云公欲葬成周王葬之于畢出此篇毫姑序事誠有之然是周公致政還老歸豐以後事與雷風示變開金滕書無涉乃合而爲一伏生大傳說此經及白虎通卷下喪服篇漢六十七卷梅福傳後漢六十一卷周舉傳六十五卷張奐傳說並同要是今文說與鄭所傳古文本之孔安國杜林者不同夫周公既卒所云親迎又何迎乎此不可信也

尙書後案卷十三

尚書後案卷十四

東吳王鳴盛學

周書

大誥

王若曰猷大誥爾多邦越爾御事

釋文曰馬本作大誥爾多邦。疏曰鄭王本獻在誥下。案曰漢書王莽攝位東郡太守翟義起兵誅莽依此作大誥其文亦適在

誥下今本獻在大誥以道誥衆國于文為便如釋文及疏說漢時本皆猷在誥下今本乃晚晉人改

鄭曰王謂攝也周公居攝命大事則權代王也

尚書疏。禮記三十一卷明堂位疏

王曰稱成王命故

稱王

禮記明堂位疏

傳曰周公稱王命順大道以誥天下衆國及于御治事者盡及之

疏曰管蔡導武庚為亂周公陳伐叛之義大誥天下稱成王命實非王意成

王爾時信流言疑周公豈命之伐管蔡乎兵凶戰危非衆所欲故其言煩重

殷勤多止而更端大意皆是陳說武庚之罪略于管蔡者猶難以伐弟為言

故專說武庚耳

案曰鄭以王為攝也者明堂位云昔周公朝諸侯于明堂之位天子負斧依

南鄉而立既言周公朝諸侯又言天子負斧依明天子即公攝故鄭彼注天

子周公也明堂位又云周公踐天子之位以治天下抱朴子外篇良規篇云
周公之攝王位舍道用權以安社稷是也周公既攝王此語是周公之語故
鄭以為周公若如王肅及傳疏謂是周公述王命則當如多士多方先言周
公曰更言王若曰此文不然明王謂周公矣且此篇本成王感風雷迎周公
歸歸而居攝以後之事傳乃以為即居東二年之事則在未敢請公之前矣
疏乃曲為之說云稱成王命實非王意時王方疑公必不使公伐管蔡即此
數言則王肅及傳之謬可見而王之非成王亦可見矣伐兄而言伐弟亦是
曲附傳說皆非也

弗弔天降割于我家不少延

釋文曰弔音的又如字割馬本作害不少延讀弗少延為何。疏曰鄭王皆以延上屬。案曰弗弔傳以為不至則音的。師古以為不為天所弔。問則如字傳是也。說文弗同終也。从人持弓逆至也。从辵。弗二字不同。逆字後人不識。無復用之。經典多以弗代逆。俗又省為弔。詩小雅天保云神之弔矣。節南山云不弔。界天大雅瞻卬云不弔。不詳及屬。雅。來弔。屬。義。為。臣。清。其。作。弔。此。弗。弔。與。不。弔。界。天。義。同。彼。毛。傳。云。弔。至。也。鄭。箋。云。至。猶。善。也。是。也。釋。文。並。列。二。音。非。也。

鄭曰言害不少乃延長之

尚書疏。案曰王注同。

傳曰言周道不至故天下凶害於我家不

少謂三監淮夷並作難疏曰釋詁云延長也

案曰鄭以割為害者偽孔傳同此字馬本作害則知割害義通說文卷四下

刀部割剝也从刀害聲但古人製字聲亦有義割既从害得聲自可訓害也
翟義傳作剝割剝喪失意亦同也鄭又以延爲長者疏引釋詁是也據釋文
及疏鄭馬王皆不少延爲句惟偽孔傳以延洪連文而毛氏奇齡據唐裴度
中和節賜百官尺詩連用延洪字以爲唐人猶知古義然翟義傳亦以洪屬
下句則知延洪之解出晚晉偽傳古無此訓也

洪惟我幼冲人嗣無疆大歷服弗造哲廸民康矧曰其有能格知天命已子惟
小子若涉淵水子惟徃求朕攸濟敷賁敷前人受命茲不忘大功子不敢閉于

天降威用

釋文曰責狀
云反徐音憤

王曰惟爲念向下爲義大念我幼童子與繼文武無窮之道疏傳曰凶害延

大惟累我幼童人言其不可不誅之意又言子孫承繼祖考無窮大數服行
其政而不能爲智道以安人故使叛况其有能至知天命乎先自責已發端
嘆辭也我惟小子承先人之業若涉淵水徃求我所以濟渡言祇懼前人文
武也我求濟渡在布行大道在布陳文武受命在此不忘大功言任重天下
威用謂誅惡也言我不敢閉絕天所下威用而不行將欲伐四國

案曰王以洪爲大惟爲念傳以嗣爲繼歷爲數地爲道康爲安俱釋詁文矧爲况釋言文已爲嘆辭者翟義傳作熙師古曰熙嘆辭是也

寧王遺我大寶龜釋文曰道唯季反紹天明卽命

鄭曰受命曰寧王承平日平王時既卜乃後出詔故先云然何嘗疑。詩一之五傳卷四南何彼穠矣

曰安天下之王謂文王也遺我大寶龜疑則卜之以繼天明就其命而言之言卜不可違

案曰鄭云受命曰寧王承平日平王者君奭云惟寧王德鄭彼注云寧王者文王也洛誥云侂來誌殷乃命寧卽云予以秬鬯二卣曰明禋文王駢牛一武王駢牛一則乃命寧兼文武故鄭彼注云周公謂文王爲寧王成王亦謂武王爲寧王此一名二人兼之毛詩云文王受命序云文王受命作周也意文武俱是受命之王故皆得稱寧王也毛詩何彼穠矣平王之孫毛傳訓平爲正以爲文王鄭箋同彼疏引鄭志張逸問箋云德能正天下之王然則不必要文王也荅曰德能平正天下則稱爲平故以號文王焉此經注既解寧王爲文王遂言文王兼有平王之號牽連及之也鄭又云時既卜乃後出詔

故先云然者大傳大誥傳云周公先謀于同姓同姓從然後謀于朋友朋友從然後謀于天下天下從然後加之著龜是以聖人謀義不謀不義故謀必成卜義不卜不義故卜必吉以義擊不義故戰必勝是以聖人謀則吉戰則勝此正鄭所謂既卜乃後出誥也龜而必謂之寶龜者爾雅釋魚四曰寶龜郭璞注卽引此經以證春秋經曰盜竊寶玉大弓公羊傳云寶者龜青純何休云謂之寶者言世世寶用之辭是也

曰有大艱于鹵土鹵土人亦不靜越茲釋文曰蠡尺九反

鄭曰周民亦不定其心騷動言以兵應之疏傳曰曰語更端也四國作大難

于京師鹵土人亦不安于此蠡動疏曰釋詁云蠡動也

案曰鄭以蠡爲動者疏引釋詁文釋詁又以蠡動同訓作是蠡卽動也詩小雅采芑蠡爾蠻荆毛傳揚雄法言卷九君子篇蠡廸檢押李軌注並云蠡動也說文十三下蠡部𧈧字注云蠡動也从蠡春聲尺尹切又重文蠡字注云古文蠡从𦍋周書曰我有蠡于鹵是也但我有蠡于鹵攷今周書無此文疑卽此有大艱于鹵土之句王莽攷作有大難于西土魏晉人因之耳若依

說文以𦘔字代大𦘔二字言四國蠢動以誘𦘔人而𦘔人亦以蠢應之文義似通也。𦘔古文作𦘔者張揖廣雅卷一釋詁云𦘔出也。玉篇卷中第二百六十二戈部又作𦘔注云充允切亦蠢字。郁忠恕汗簡卷下之一亦以𦘔為蠢。至隸書變𦘔為春遂作蠢矣。

殷小腆誕敢紀其緒

釋文曰腆他典反誕大且反

鄭曰腆謂小國也。馬曰腆至也。王曰腆主也。殷小主謂祿父也。大敢紀

其王業經紀王業望復之也。傳曰言殷後小腆腆之祿父大敢紀其王業

欲復之

案曰鄭以腆為小國者方言卷十三云腆厚也。說文卷四下冎部云腆多也。以厚與多為小古有反義亦如治之為亂也。王及傳以誕為大釋詁文

天降威知我國有疵

釋文曰疵在斯反

鄭曰知我國有疵病之瑕。馬曰疵瑕也。王曰天降威者謂三叔流言

傳曰天下威謂三叔流言故祿父知我周國有疵病。疏曰釋詁云疵病也。

案曰鄭云知我國有疵病之瑕者天降威于我國使我主少國危骨肉自相

讒賊是推言殷所以敢紀其緒之由故知疵是疵病之瑕也伏生大傳云奄君謂祿父曰武王既死矣今王尙幼矣周公見疑矣此百世之時也請舉事正所謂知周有疵而欲叛也

民不康曰予復反鄙我周邦

傳曰祿父欺惑東國人令不安言我殷當復反鄙易我周家

案曰云鄙我周邦者宣十四年左傳華元曰過我不假道鄙我也注云以我比其邊鄙成十八年宋鹵鉏吾曰大國無厭鄙我猶憾注云以我為鄙邑猶恨不足襄八年鄭子展曰鄙我是欲注云楚欲以鄭為鄙邑此即鄙我之義周目殷小腆據今勢殷謂周為鄙追昔事周之先蓋世為殷家鹵陸荒裔小君長則武庚之叛必有鄙周之言可知傳云鄙易我非也

今蠢今翼日民獻有十夫子翼以于救寧武圖功

釋文曰救以翼反

傳曰今天下蠢動今之明日四國人賢者有十夫來翼佐我周用撫安武事謀立其功言人事先應

案曰民獻有十夫大傳作民儀有十夫翟義傳云民獻儀九萬夫孟康曰民

之表儀謂賢者疑古文獻下有儀字然鄭論語注曰獻猶賢也則無儀字于義已足傳以枚爲撫釋言文寧爲安圖爲謀釋詁文鄭洛詁注訓枚爲安說文訓撫玉篇兼二訓此枚寧連文不可言安安要之撫亦有安義也

我有大事休朕卜并吉

釋文曰并

鄭曰下并吉者謂三龜皆從也鄭王曰何以言美以三龜一習吉傳曰天

事戎事也人謀既從卜又并吉所以爲美疏曰成十三年左傳國之大事在

祀與戎知大事戎事也

案曰鄭王云三龜詳洪範金縢王以休爲美釋詁文傳以大事爲戎事周禮

太宰云作大事則戒百官亦謂戎事爲大事也

肆子告我友邦君越尹氏庶士御事曰予得吉卜予惟以爾庶邦于伐殷逋播

臣釋文曰

傳曰以美故告我友國諸侯及于正官尹氏卿大夫衆士御治事者用汝衆

國往伐殷逋也之人謂祿父疏曰尹氏即顧命云百尹氏也尹正也諸官之

正謂卿大夫故傳言及于正官尹氏卿大夫尹氏即官也總呼卿大夫爲官

氏也上文大誥爾多邦紱越爾御事無尹氏庶士下文爾庶邦君越庶士御事亦無尹氏惟此及下文義爾邦君越爾多士尹氏御事二者詳其文餘略之也

案曰傳以肆爲故釋詁文于爲往鄭棫樸詩箋文通爲也說文彳部文

爾庶邦君越庶士御事罔不反曰艱大民不靜亦惟在王宮邦君室越予小子考翼不可征王害不違卜肆予冲人永思艱曰嗚呼允蠢鯨寡哀哉

鄭曰汝國君及下羣臣不與我同志者無不反我之意云三監叛其爲難大

傳曰汝衆國上下無不反曰征伐四國爲大難四國不安亦在天子諸侯教化之過我小子先卜敬成周道若謂今四國不可征則王室有害不宜違

卜故我童人成王長思此難而嘆曰信蠢動天下使無妻無夫者受其害可哀哉

案曰鄭以艱爲難者說文卷十三下堇部云艱土難治也是也傳以考爲成翼爲敬俱釋詁文逸周書諡法解亦以考爲成詩小雅六月大雅行葦卷何傳皆以翼爲敬敬成而云考翼古人語倒也

子造天役遺大投艱于朕身越子冲人不叩自恤義爾邦君越爾多士尹氏御

事綏予曰無恙于恤不可不成乃寧考圖功

釋文曰叩五剛反憂音穰

馬曰造遺也

釋文

傳曰

我周家為天下役事遺我甚大投此艱難于我身不得

已征四國于我童人不惟自憂而已乃欲施義于汝眾國君臣上下至御治

事者汝眾國君臣當安勉我曰無勞于憂不可不成汝寧考所謀之功責其

善助

案曰馬云造遺也者造翟義傳作遺疑馬本與之同甫刑云兩造具備史記

作遺文侯之命云嗣造天丕愆偽傳亦訓為遺是造遺亦通也今訓為遺自

天言之為遺我以役自我言之為遺天之役意亦同也役廣雅云使也冲人

嗣大歷服天又降威國有疵是遺天所使也叩翟義傳作身邶風匏有苦葉

云人涉叩否小雅白華云叩烘于熤大雅生民云叩盛于豆毛傳竝云叩我

也釋詁叩身皆為我邶璞曰叩猶媿也語之轉耳又曰今人亦自呼為身邢

疏云說文女人稱我曰媿語轉曰叩億九本傳小白余杜注余身也是叩身

皆我也傳以恤為憂恤當作邱說文卷八上比部蕊字注引周書曰無恙于

卹然則不叩自恤亦當作卹今作恤者偽孔改也又卷五上血部卹字卷十
下心部恤字皆訓憂詩唐風羔裘序箋小雅蓼莪箋大雅桑柔箋並云恤憂
也是卹恤通也

已子惟小子不敢替上帝命

傳曰不敢廢天命言卜吉當必征之

案曰傳以替爲廢釋言文說文卷十下竝部替字注云廢一偏下也从竝白
聲又別體或从銑徐鉉曰俗作替非

天休于寧王與我小邦周寧王惟卜用克綏受茲命今天其相民矧亦惟卜用
嗚呼天明畏弼我不丕基釋文曰相息亮反
異如字徐百威

傳曰天美文王興周者以文王惟卜之用故能安受此天命今人獻十夫是
天助民况亦用卜乎吉可知矣嘆天之明德可畏輔成我大大基業言卜不
可違

王曰爾惟舊人爾丕克遠省爾知寧王若勤哉天闕茲我成功所予不敢不極
卒寧王圖事肆于大化誘我友邦君釋文曰省息
井反圖音秘

傳曰久老之人知文王故事者大能遠省識古事汝知文王若彼之勤勞哉
閔慎也言天慎勞我周家成功所在我不敢不極盡文王所謀之事故大化
天下道我友國諸侯疏曰閔慎釋詁文

案曰爾丕克遠省爾豈知太皇太后若此勤哉則此二句亦常云爾不能遠
此云爾不克遠省爾豈知太皇太后若此勤哉則此二句亦常云爾不能遠
省識古事爾豈知文王若彼之勤哉乃爲合也閔甚傳以爲慎勞而疏云閔
慎釋詁文攷釋詁但有甚慎無閔慎說文比部甚亦訓慎古無以甚爲勞者
惟說文示部云祕神也鄭閔宮詩箋云閔神也是閔與祕通廣雅云祕勞也
然則閔正可訓勞莽作甚勞蓋嫌閔甚二字音混以勞代閔又倒其文故孟
康解爲慎勞若此經閔甚則當訓勞慎不可云慎勞也又下文勤甚傳訓勞
慎是僞孔亦知甚訓慎不可訓勞矣何于此又自相違耶然則此閔甚與下
勤甚皆當作勞慎可知也

天棐忱辭其考我民予曷其不于前寧人圖功攸終

釋文曰棐徐音匪又
芳鬼反快市林反

傳曰言我周家有大化誠辭爲天所輔其成我民矣我何其不于前文王安

人之道謀立其功所終乎疏曰釋詁云裴輔也忱誠也

案曰傳以裴為輔忱為誠者漢書八十一卷孔光傳光日蝕對曰書曰天裴

誕辭言有誠道天輔之也翟義傳于此句作天輔誠辭康誥亦云天具裴忱

是也

天亦惟用勤茲我民若有疾予曷敢不于前寧人攸受休畢

傳曰天亦勞慎我民欲安之如人有疾欲已去之我何敢不于前文王所受

美命終畢之

王曰若昔朕其逝朕言艱日思釋文曰日人實反。案曰古曰字與日字相似故釋文有之

傳曰順古道我其往東征矣我所言國家之難備矣日思念之

案曰傳以若為順釋言文逝為往釋詁文

若考作室既辰法厥子乃弗肯室矧肯構厥父苗厥子乃弗肯播矧肯穫厥考

翼其肯曰子有後弗棄基釋文曰底之脫反構古候反苗與其反穫戶翻反。案曰定本云矧弗肯構矧弗肯穫皆有弗字矧孔傳所解弗為衍字厥考其肯曰子有後弗棄基鄭王

本于知肯構下亦有此一極然取喻既同不應重出蓋先備見下有而上無謂其厥而妄增之。案曰肯字鄭忠恕汗簡卷上之二云肯肯肯古文作爲說文卷四下四部同字注云竹則同同者也从竹从月省又重文厥字注云古文有此字本肯同同借為肯可之有釋言及都風終風唐風有秋之杜箋皆云肯可也是也據變从止于義無取非也肯構下鄭亦有厥考劉云云疏云鄭增之非鄭增之晉人刪之耳聖義傳亦無此一節則晉人所據也

非也肯構下鄭亦有厥考劉云云疏云鄭增之非鄭增之晉人刪之耳聖義傳亦無此一節則晉人所據也

鄭曰其父敬職之人其肯曰我有後子孫不廢棄我基業乎

詩十五卷大雅文王有聲

傳曰

以作室喻政治父已致法子乃不肯爲堂基况肯構立屋乎不爲其易則難者可知又以農喻其父已舊耕其田子乃不肯播種况肯收穫之乎其父敬事創業而子不能繼成其功其肯言我有後不棄我基業乎今不征是棄之

案曰鄭以翼爲敬者釋詁文詳見上文傳以構爲構立屋者說文卷六上木

部構字注云蓋也从木葺聲杜林以爲椽栒字又栒字注云椽也椽方曰栒

椽字注云椽也椽字注云秦名爲屋椽周謂之椽齊魯謂之栒然則椽椽栒

一物異名構本爲構蓋立屋故傳云云而杜林說亦得備一義也傳以苗爲

苗耕其田者攷詩小雅采芑于此苗畝毛傳田一歲曰苗二歲曰新田三歲

曰畬正義曰三句釋地文苗者災也孫炎曰苗始災殺其草木也新田新成

桑田也畬和也田舒緩也郭璞曰今江東呼初耕地反草爲苗是也又大田

云以我覃耜似載南畝箋云似讀爲熾載讀爲苗粟之苗以利耜熾苗發地

也正義云此及載芟良耜皆于耜下言似載是用耜于地之事知當爲熾苗

故方言云入地曰熾反草曰苗也弓人云錡榦之道苗粟不迪則弓不發注

云粟如裂縞之裂鋸弓輪以鋸苗而裂之猶耕者以耜苗而發之是也

肆子曷敢不越邛救寧王大命

傳曰作室農人猶惡棄基我何敢不于今日撫循文王大命以征逆乎

若兄考乃有友伐厥子民養其勸弗救

傳曰若兄弟父子之家乃有朋友來伐其子民養其勸弗救者以子惡故此

四國將誅而無救者罪大故

案曰民養翟義傳作民長顏注云長養彼心反勸助之弗救其子

王曰嗚呼肆哉爾庶邦君越爾御事爽邦由哲亦惟十人迺知上帝命

王曰我未伐而知民弗救者以民十夫用知天命故也

聖

案曰王以上帝為天文王詩毛傳文

越天棊忱爾時罔敢易法矧今天降戾于周邦

傳曰于天輔誠是無敢易天法况今天下罪于周使四國叛乎

案曰此節王莽侯云粵天輔誠爾不得易定况今天降定于漢國以棊忱為

輔誠已見上

今俗本誤著
脫此一句

以法與辰皆為定疑法本定字說文鳥部云舍古文法

字與定相似故誤也毛詩小雅雨無正及大雅桑柔傳皆以戾訓定言天道
輔誠爾無敢改易天之定命况今天已降定命于周邦乎下文爾亦不知天
命不易不易即定也傳以戾訓罪非也

惟大艱人誕鄰胥伐于厥室爾亦不知天命不易

釋文曰易以或反

王曰惟大為難之人謂管蔡也大近相伐于其室家明不可不誅也管蔡犯
天誅而汝不欲伐則亦不知天命之不易也

向書疏。孔傳同。

案曰王讀易以或反非也

子永念曰天惟喪殷若稽夫子曷敢不終朕獻天亦惟休于前寧人子曷其極
卜敢弗于從

傳曰稼穡之夫除草養苗我長念天凶殷惡主亦猶是矣我何敢不順天終
竟我輩敢乎言當滅殷也天亦惟美于文王受命我何其極卜法敢不于從
言必從也

案曰說文卷五下齋部云齋愛濇也從來从向來者向而藏之故田夫謂之
齋夫此云稽夫稽與齋同田夫除艸耨去非種天之喪殷似之也魏風伐檀

傳種曰稼歛曰穡疏云稼穡相對散則通大田曾孫之稼非唯種之湯誓舍我穡事非唯歛之也此言除艸宜云稼而云穡亦通稱故也

率寧人有指疆土矧今卜并吉肆朕誕以爾東征天命不僭卜陳若茲

王曰順文王安人之道有旨意盡天下疆土使皆得其所不必須卜筮也况今卜三龜皆吉明不可不從也

傳曰

循文王所有指意以安疆土則善矣

况卜并吉乎言不可不從故以汝眾東征四國天命不僭差卜兆陳列惟若此吉必克之不可不勉

案曰指莽倣作旨顏注云旨美旨美說文旨部文言循祖宗之業務在安人而美疆土况今卜并吉乎王作旨意解固與莽異然亦作旨蓋古旨與指通傳用王義遂改作指則古義沒不見矣宜以顏注爲正也白虎通卷上誅伐篇云誅不避親戚尙書肆朕誕以爾東征誅弟也是說此經之意兄而言弟惟白虎通有此說恐非也此經全篇多以下爲言而篇末亦歸之于卜者周禮太卜之職凡國大師則貞龜是古者用兵必問卜左傳晉侯使卜偃卜之遇黃帝戰于阪泉之兆筮之遇大有之睽曰戰克而王饗是古者卜大師則

以遇戰克之兆爲吉也抑武庚罪無可數管蔡惡不忍言歸之于卜以祈天命而已此聖人之公且誠也

尚書後案卷十五

東吳王鳴盛學

周書

康誥

惟三月哉生魄

釋文曰魄
音白反

馬曰魄朏也謂月三日始生兆朏名曰魄

釋文曰魄
六書故二卷

傳曰周公攝政七季三月

始生魄月十六日明消而魄生疏曰知周公攝政七季之三月者以洛誥七

季反政而言新邑營建獻卜之事與召誥同俱為七季此亦言作新邑又同

召誥故知七季三月也若然書傳云四季建侯衛而封康叔五季營成洛邑

六季制禮作樂明堂位云昔者周公朝諸侯于明堂之位頒度量而天下大

順六季制禮作樂是六季已有明堂在洛邑而朝諸侯者禮記後儒所錄書

傳伏生所造皆孔所不用始生魄月十六日戊午社于新邑之明日魄與明

反故云明消而魄生

案曰馬以魄為朏者說文卷七上月部云朏月未盛之明从月出漢律歷志

引古文月采日三日曰朏揚子法言卷六五百篇云月未望則載魄于南既望則終魄于東宋咸注曰載魄當作朏其實魄卽朏也馬又云三日始生朏朏名曰魄者禮記鄉飲酒義云月三日則成魄白虎通卷下日月篇云日之爲言實也常滿有節月之爲言闕也有滿有闕八日成光二八十六日轉而歸功晦至朔旦受符復行故援神契日月三日成魄說文月部云霸月始生霸然也承大月二日承小月三日从月聲聲周書曰哉生霸普伯切詩天保疏云日月在朔交會俱右行于天日遲月疾從朔而分至三日月去日已當二次始死魄而出漸漸遠日而月光稍長八日九日月體正半昏而中似弓之張而弦直謂上弦也漸進至十五十六日月體滿與日正相當謂之望從此漸虧至二十三日二十四日亦正半在謂之下弦漸虧至晦而盡諸家皆言三日爲魄以二日有時不見也蓋前月有三十日則是月合朔早二日初昏月去日差遠已有微明見于南方前月二十九日小盡則是月合朔晚二日初昏月去日未遠未可得見必三月初昏始見南方也劉歆以生魄爲望僞孔傳以爲月十六日皆非也魄字武成惟一月壬辰旁死魄又旣生魄顧

命惟四月載生魄皆作魄而說文作霸者漢律歷志引武成亦作霸攷古鐘鼎文魄皆作霸或省作兩公誠鼎云惟十有四月既夙霸又王保嘯堂集古錄卷上周雝公緘鼎銘云庚午三月既夙命釋文云惟十有四月既夙霸又周高克尊銘云癸未十月既夙命釋文云唯十有六月既夙霸又卷下周毛父敦銘云庚午八月既夙命釋文云惟六月既生霸並與說文合周伯琦六書正譌云霸俗作必駕切以爲霸王字而月霸乃用魄字非本義王霸字本作伯月魄字作霸其義始正鞏音膊雨濡革也从雨从革然則此經本當作霸也薛宣古文作並並乃古戟字則未詳也哉訓始者釋詁文彼疏云哉古文作才說文云才艸木之初也以聲近借爲哉是也又三月者四季三月非七季書傳孔傳及疏非也

周公初基作新大邑于東國洛四方民大和會

鄭曰此時未作新邑基謂謀也岐鎬之域處五岳之外周公謂其于政不均故東行于洛邑合諸侯謀作天子之居四方民聞之同心來會樂卽功作効其力焉是時周公居攝四季隆平已至

傳。毛。光。馬。疏。南。三。卷。毛。詩。一。之。三。卷。周。南。卷。序。官。疏。又。十。卷。地。官。大。

何遜疏。又二士
卷春官大司樂疏

傳曰初造基建作王城大都邑于東國洛泗居天下土中四方
之民大和悅而集會疏曰釋言云集會也民服悅見太平也初基者謂初始
營建基址作此新邑此史總序言之鄭以為此時未作新邑而以基為謀大
不詞矣

案曰鄭以基為謀者釋詁文也史記封禪書秦都咸陽五嶽四瀆皆并在東
方秦故周地故云岐鎬處五嶽外也周禮大司徒以土圭之法測土深正日
景求地中日南則景短多暑日北則景長多寒日東則景夕多風日西則景
朝多陰日至之景尺有五寸謂之地中天地所合四時所交風雨所會陰陽
所合乃建王國焉是為于政不均東行洛邑謀作天子之居也鄭必以基為
謀者大傳營洛在攝政五季此是攝政四季猶未營洛故但為謀也知四季
者攝政四季建侯衛即此下侯甸男邦采衛是故知四季也鄭又云隆平已
至者詩芣苢疏引鄭此注以為康誥注又言隆平即太平文王武王時皆未
得為太平直至周公方致太平白虎通卷上封公侯篇云天下太平乃封親
屬者示不私也即不私封之何普天之下莫非王土率土之濱莫非王臣海

內之衆已盡得使之不忍使親屬無一人使封之親親之義也以尙書封康叔據平安也此說與鄭合然太平宜待制禮樂此時居攝四季未作禮樂而云已太平者周頌譜云周頌者周室成功致太平之詩其作在周公攝政成王卽位之初疏引鄭易注云行誅之後致太平自三季數也行誅謂誅武庚管蔡又引書傳周公將作禮樂優游之云云而申之云如書傳此言則周公以三季太平卽應作禮樂但爲優游之故至六季乃作又維天之命序云太平告文王也箋云告太平者居攝五季之未也文王受命不卒而崩今天下太平故承其意而告之明季制禮作樂然則四方和會太平有兆故鄭云已至疏云民服悅見太平亦據鄭義也

侯甸男邦采衛百工播民和見士于周

釋文曰見
賈逵反

鄭曰不見要服者以遠于役事而恒闕焉傳曰此五服諸侯服五百里侯

服去王城千里甸服于五百里男服去王城二千里采服二千五百里衛服三千里與禹貢異制五服之百官播率其民和悅並見卽事于周疏曰以大司馬大行人職知五服服五百里禹貢五服通王畿此在畿外去王城五百

里故每畿計之至衛服三千里與禹貢異制也通王畿與不通爲異以此計畿之均故須土中若然黃帝帝嚳居偃師餘非土中者自由當時之宜實在土中因得而美善之也君行必有臣從卽卿大夫士亦主其勞故云百官播率其民和悅卽事土功勞事民之所苦而此和悅見太平也書傳云示之以力役其民猶至况導之以禮樂乎是也

案曰鄭云不見要服云云者此經侯甸男邦采衛邦字居中以貫上下謂侯服甸服男服采服衛服諸侯也百工者五服諸侯之百官也堯時甸侯綏要荒五服方五千里禹弼成五服各爲殘數居其間則方萬里周制又改爲侯甸男采衛蠻夷鎮蕃九服皆在王畿之外故鄭注禹貢言弼成之制去王城五百里曰甸服其弼當周侯服去王城千里其外五百里爲侯服當周甸服去王城一千五百里其弼當周男服去王城二千里又其外五百里爲綏服當周采服去王城二千五百里其弼當周衛服去王城三千里又其外五百里爲要服與周要服相當去王城三千五百里四面相距七千里此在九州之內至于要服之弼與荒服及荒服之弼則與周夷鎮蕃相當而在九州之

外矣夏之五服有要周大司馬職方氏言九服無要而鄭注禹貢以夏要服當周要服此經主周制亦云不見要服蓋大行人又以蠻服爲要服蠻卽要也故鄭據以言之要服尙在九州之內與夷鎮蕃不同然視侯甸男采衛則遠矣故鄭云遠于役事而恒闕焉僞孔傳于禹貢五服以爲每服皆首句總言之其下析言之合計王畿之外每面二千五百里共方五千里蓋不解齊成之義故以爲夏五服小于周九服此經之傳言周五服去王城里數未嘗不是但以爲與禹貢異制則非矣不知夏周制雖小異道里適均也說詳臬陶謨及禹貢周語祭公謀父曰侯衛賓服韋昭注云此總言之也侯侯圻也衛衛圻也言自侯圻至衛圻其間凡五圻謂之賓服常以服貢賓見于王五圻者侯圻之外曰甸圻甸圻之外曰男圻男圻之外曰采圻采圻之外曰衛圻周書康誥曰侯甸男采衛是也觀此則知邦字居中以貢上下也傳訓士爲事者說文士部文又毛詩鄭風褰裳幽風東山小雅祈父周頌敬之傳皆以士爲事是也疏引書傳云云者伏生大傳云周公將作禮樂優游之三季不能作君子恥其言而不見從恥其行而不見隨將大作恐天下莫我知將

小作悉不能揚父祖功業德澤然後營洛以觀天下之心于是四方諸侯率其羣黨各攻位于其庭周公曰示之以力復且猶至況導之以禮樂乎然後敢作禮樂書曰作新邑于東國洛四方民大和會此之謂也觀此則知此時合諸侯以觀其心如謀營洛而猶未營是四季事非七季上節疏曲附偽孔反譏鄭不詞妄也

周公咸勤

傳曰周公皆勞勉五服人

案曰傳以勤為勞釋詁文毛詩小雅采芣序云出車以勞還杖杜以勤歸又杖杜序云勞還役也是勤亦勞也因五服之人即事于周樂就功作各効其力故皆勞勉之也

乃洪大誥治釋文曰治直吏反下其治民安治用安治同一作周公乃洪大誥治

鄭曰洪代也言周公代成王誥傳曰遂乃因大封命大誥以治道

案曰鄭以洪為代者釋詁云鴻代也鄭璞法云鴻雁知運代疏云鴻雁知運代者鴻雁之屬九月而南正月而北是知其時運而更代南北也觀此則鴻

有代訓而字與洪通古者如洪範及此經洪字皆作鴻後人改爲洪井一乘訓大但洪大連文若以洪爲大則安得言大大惟從鄭以爲代謂周公代成王詒則知王若曰者王卽周公朕其弟者周公謂康叔爲弟無疑也周公于成王代攝其位卽代行政故于征伐代爲發詒則有大詒于封爵諸侯代爲發詒則有康詒自唐以下學者不讀爾雅卽一洪字失其訓詁不知周公代王之義而朕其弟又實是兄詒弟之詞遂疑此篇爲武王書無論書序孔子所作言成王封康叔顯有明文不可駁且定四季傳祝佗明言武王克商成王定之選建明德以藩屏周故周公相王室以尹天下分康叔以殷民七族命以康詒而封于殷虛佗衛之祝史稱述其先君受封事安得有誤又僖三十一季衛成公夢相奪康叔享命祀相甯武子不可曰鬼神非其族不歆其祀相之享不可以間成王周公之命祀此甯武子述其先君受封之命又安得該豈俗儒是而甯武子祝佗反非耶抑豈左傳亦不足信而幾于季下憑臆白撰者反可信耶義理或可空談事實何容懸斷知鄭注不可易也

王若曰孟侯朕其弟小子封

鄭曰王若曰總告諸侯依略說太子十八爲孟侯呼成王也

尚書疏。玉璽一百三十一卷官制門傳

曰周公稱成王命順康叔之德命爲孟侯孟長也五侯之長謂方伯使康叔爲之言王使我命其弟封康叔名稱小子明當受教訓疏曰孟長也五侯之長謂方伯使康叔爲之長者卽州牧也五侯之長五等諸侯之長也而左傳云五侯九伯汝實征之彼謂上公之伯故征九伯而此州牧與彼不同王制有連屬卒伯此方伯自是州牧康叔以母弟令德受大國封命固非卒及連屬也虞夏及周既有牧又離騷云伯昌作牧殷亦有牧伯四代皆通非如鄭元云殷之州長曰伯也此指命康叔而鄭以總告諸侯孟侯呼成王義理駢曲皆不可信

案曰鄭以爲總告諸侯者上敘作洛和會之事諸侯咸在故誥雖爲康叔作亦總告諸侯也以孟侯爲呼成王者成王卽位季十三至是六季十八矣十八爲孟侯此伏生書傳略說義也被文云天子太子十八曰孟侯孟侯者四方諸侯來朝迎于郊見周禮秋官大行人疏伏生書傳秦火以前先師遺義故鄭用之文王世子篇仲尼曰昔周公攝政踐阼而治抗世子法于伯禽所

以善成王也又云成王幼不能泄昨故抗世子法于伯禽使與成王居欲令成王知父子君臣長幼之義是周公居攝以世子禮教成王呼成王爲孟侯不足異也趙岐注孟子以康誥爲周公戒成王及康叔封而作是亦以孟侯爲成王可知大戴禮公冠篇盧辯注兼天子諸侯言之南史陳沈文阿以此篇爲成王冠儀故篇末附成王冠周公使祝雍祝王之詞并附漢孝昭冠詞成王與昭帝皆卽位後始冠者也據士冠禮記天子之元子猶士也天下無生而貴者也然則天子之子冠禮與士同諸侯之子可知惟卽位始冠則異于士却與諸侯多同金縢鄭注及詩標有梅疏引異義皆云天子諸侯十二而冠成王十歲卽位十二而冠魯襄公立九年十二而冠是其期同士冠禮疏據公冠篇推得大夫士三加天子諸侯皆四加是其儀同據此諸文公冠爲成王無疑可稱公卽可稱侯故以孟侯爲成王也傳以爲五侯之長卽州牧也但牧伯之制總領天下諸侯者唐虞四人夏商周二入爲伯當州之長則皆每州一人爲牧殷州長亦通稱伯此鄭據王制而言未可非其實四代州牧皆牧伯通稱而從無稱爲孟侯者傳係魏晉人臆說不足信漢地理

志雖以孟侯爲康叔然亦不以爲州長之稱則傳義非也

惟乃丕顯考文王克明德慎罰不敢侮鰥寡庸庸祗祗威威顯民用肇造我區

夏越我一二邦以修我西土惟時怙冒闡于上帝帝休

釋文曰怙音戶冒莫報反闡如字徐又音問

傳曰惟汝大明父文王能顯用俊德慎去刑罰以爲教首惠恤窮民不慢鰥夫寡婦用可用敬可敬刑可刑明此道以示民用此始爲政于我區域諸夏于我一二邦皆以修治我鹵土岐周惟是怙恃文王之道故其政教冒被四表上聞于天天美其治

案曰傳以明德慎罰爲顯用俊德慎去刑罰者伏生大傳引此經作克明俊德則與堯典文同鄭彼注云俊德賢才兼人者故傳依用之成二季左傳申公巫臣語楚莊王周書曰明德慎罰文王所以造周也明德務崇之之謂也慎罰務去之之謂也巫臣欲勸王崇己德去己罰而其說經意則指文王顯用有德去罰不用其義亦與傳合大學引克明德則謂自明明德乃斷章取義荀子卷十二正論篇引此經克明明德謂主道貴宣明不當以元而難知者使人疑尤非本旨也傳又以庸爲用毛詩王風兔爰齊風南山傳及說文








用部文祗爲敬釋詁文宣十五季左傳周書所謂庸庸祗祗者杜預解爲用
可川敬可敬亦與傳同若威威以爲刑可刑則非也下文文王敬忌鄭云祗
祗威威是則威爲畏忌意當爲畏可畏解徐幹中論法象篇云文王祗畏造
彼區夏是也冒聞于上帝爲句古讀也趙岐注孟子吾于武成節引此亦作
冒聞于上帝且君爽篇亦有此句則知古有此語矣冒有上進意故云冒聞
也

天乃大命文王殪戎殷誕受厥命越厥邦厥民惟時敘

釋文曰殪於計反

傳曰乃大命之殺兵殷大受其王命于其國其民惟是次序皆文王教疏曰
天美文王大命之殺兵殷者殪殺也戎兵也用誅殺道以兵患殷文王伐殷
事未卒而言殺兵殷者謂三分有二爲滅殷之資也

案曰天乃大命文王者詩大雅文王序云文王受命作周也大明云有命自
天命此文王文王有聲云文王受命有此武功是也大傳云天之命文王非
惇惇然有聲音也文王在位而天下大服施政而物皆聽令則行禁則止動
搖而不逆天之道故曰天乃大命文王王充論衡卷三初稟篇云康誥曰冒

聞于上帝云云所謂大命者非天乃命文王也聖人動作天命之意也與天
合同若天使之矣書方激勸康叔勉使爲善故言文王以道上聞于天天乃
大命之也說與大傳合殪戎殷者傳雖以殪爲殺但中庸壹戎衣鄭云戎兵
也衣讀如殷聲之誤也齊人言殷聲如衣虞夏商周氏者多矣今姓有衣者
殷之胄與壹戎殷者一用兵伐殷也呂氏春秋卷十五慎大覽云湯爲天子
夏民大說親鄭如夏高誘曰鄭讀如衣今兗州人謂殷氏皆曰衣然則殪戎
殷當爲壹戎殷卽壹戎衣也宣六年左傳晉中行桓子論赤狄貫盈將可殪
也引此經爲證杜預曰殪盡也康誥言武王以兵伐殷盡滅之說文卣部殪
古文作卣部古文卣作字从古文从省聲卣卣二字
易亂此經殪字其始必是壹字而从古文作與相似故中行桓子
假借取義杜預亦望文爲說以文王事後屬武王未足爲據偽傳從之但上
言殺下又言兵語意殊嫌復疊當從鄭中庸注以爲壹用兵伐殷
爲古文武成云一
戎衣辨見本篇

乃寡兄揚肆汝小子封在茲東土

釋文曰揚
許玉反

傳曰汝寡有之兄武王勉行文王之道故汝小子封得在此東土爲諸侯

案曰傳以寡兄為寡有之兄者思齋詩刑于寡妻鄭箋寡妻寡有之妻言賢也且引此經以證顧命寡命義同也肆故釋詁文

王曰嗚呼封汝念哉今民將在祗適乃文考紹聞衣德言釋文曰適音聿又音述衣如字徐於既反

馬曰適述也釋文。其德秀讀書記乙集二卷。案曰注疏所采經與釋文此一條誤作紹述也今從專刻是本釋文第四卷改正傳曰治民將在敬循汝

文德之父繼其所聞服行其德言以為政教

案曰馬云適述釋言文彼孫炎注云適古述字是也

往敷求于殷先哲王用保乂民汝丕遠惟商考成人宅心知訓

傳曰汝往之國當布求殷先智王之道用安治民汝當大遠求商家考老成

人之道常以居心則知訓民

別求聞由古先哲王用康保民宏于天若德裕乃身不廢在王命

鄭曰古先哲王虞夏也傳曰又當別求所聞父兄用古先智王之道用其

安者以安民大于天為順德則不見廢常在王命

案曰鄭云古先哲王虞夏也者上文言近之則法文考遠之則法殷之先哲

王及考成人其效康叔法古已備此又言別求古先哲王則自是虞夏之先

哲王也傳云大千天為順德云云者荀子卷六富國篇云足國之道節用裕民而善藏其餘康誥曰宏覆乎天若德裕乃身此之謂也楊倞注云宏覆如天又順于德是乃所以寬裕汝身意亦與傳略同也

王曰嗚呼小子封惘瘵乃身敬哉

釋文曰惘音通又勅勅反瘵古頑反

鄭曰惘瘵乃身刑罰及已為痛病向也傳曰惘痛瘵病治民務除惡政當如痛病在汝身欲去之敬行我言

案曰鄭以惘為痛者釋言文又以瘵為病者鄭必作瘵也釋詁瘵病也與瘵寡字同从魚不从疒故說文無瘵字後人以其訓病改从疒召誥智藏瘵在詞皆非也

天畏棐忱民情大可見小人難保往盡乃心無康好逸豫乃其又民

釋文曰棐音匪又芳鬼反忱市

林反盡徐子忍反好吁報反

傳曰天德可畏以其輔誠人情大可見以小人難安往當盡汝心為政無自安好逸豫寬身其乃治民

案曰傳云云者鄭璞爾雅注引天畏作天威臯陶謨天明畏釋文云馬本作

威古威畏字通言天之明威可畏以其所輔者誠也裴爲輔者釋詁裴輔同訓備備卽輔也

我聞曰怨不在大亦不在小惠不惠懋不懋

傳曰不在大大起于小不在小小至于大言怨不可爲故當使不順者順不勉者勉

案曰傳云大起于小小至于大者國語卷十五晉語知伯國諫知襄子周書有之曰怨不在大亦不在小說苑卷五貴德篇智果諫智襄子引周書與國語同韋昭注曰或大而不爲從或禍難起小怨韋義與傳合也傳又以惠爲順釋言及毛詩邶風燕燕傳小雅楚茨箋文懋爲勉說文心部文釋訓亦云懋懋勉也言當授順不順者使之順勸勉不勉者使之勉昭八率左傳齊樂高相攻子旗語陳桓子周書曰惠不惠茂不茂康叔所以服宏大也桓子遂和之如初懋作茂者釋詁云茂勉也是與懋同也時殷亂方定尙多反側故戒以民怨無恒宜順而勉之服以寬大與子旗語情事正合也

已汝惟小子乃服惟宏王應保殷民

釋文曰懋應對之應徐於樂反

傳曰已乎汝惟小子乃當服行德政惟宏大道上以應天下以安我所受殷之民衆

案曰已同噫說見大誥殷民卽左傳分康叔以殷民七族衛康叔世家周公成王以武庚殷餘民封康叔者是本篇序亦云然也

亦惟助王宅天命作新民

傳曰宏王道安殷民亦所以惟助王者居順天命爲民日新之教

王曰嗚呼封敬明乃罰人有小罪非肯乃惟終自作不典式爾有厥罪小乃不可不殺乃有大罪非終乃惟肯災適爾既道極厥辜時乃不可殺

釋文曰肯所領反本亦作肯

傳曰嘆而敷之凡行刑罰汝必敬明之欲其重慎疏曰小罪非過誤爲之乃惟終身自爲不常之行用犯汝如此者乃不可不殺以故犯而不可赦大罪非終行之乃惟過誤爲之當盡斷獄之道以窮極其罪是人所犯乃不可殺以誤故也原心定罪斷獄之本

案曰王符潛夫論卷四述赦篇云康誥小罪匪省惟終自作不典式爾厥罪小乃不可不殺言恐人有罪雖小然非以過差爲之也乃欲終身行之故雖

小不可不殺也何則是本頑凶惡而爲之者也大罪匪終乃惟省哉適爾
既道極厥罪時亦不可殺言人雖有大罪非欲以終身爲惡乃過誤爾是不
殺也若此者雖曰救之可也金作贖刑救過宥罪皆謂良人吉士時有過誤
不幸陷離者爾省災哉古字通釋言云式用也式爾者故用如此適爾者
適然如此所以殺不殺異堯典怙終賊刑省災肆赦鄭注意與此同

王曰嗚呼封有敘時乃大明服惟民其勑懋和若有疾惟民其畢棄咎若保赤

子惟民其康乂

案曰敕今作勑或勑力代反應敕不同經傳說以勑爲救如
救我五典救天之命皆說作勑此經傳爲敕正則亦當作敕

傳曰政教有次序治理大明民其自勑正勉爲和化惡爲善如欲去疾治之
以理民其盡棄惡修善愛養人如安孩兒赤子不失其欲民其皆安治

案曰僖二十二季左傳晉卜偃引乃大明服已則不明而殺人以逞不亦難
乎禮記大學引若保赤子而釋之云心誠求之雖不中不遠矣鄭注養子者
推心爲之而中于赤子之者欲也孟子亦引若保赤子而釋之云赤子匍匐
將入井非赤子之罪也趙岐注以赤子無知故救之玩左氏孟子二說此節
三段皆主用刑而言以大明服人民自救勉去惡如去疾民自棄惡民犯法

如赤子無知吾保救之推心而中其欲民自安治雖用刑而不專于刑也荀子富國篇引此經而說之云君國者先修正其在我者然後徐責其在人者意義略同惟以疾為急疾之疾則異也

非汝封刑人殺人無或刑人殺人

傳曰無得有妄刑殺非辜者

非汝封又曰劓刑人無或劓刑人

釋文曰劓風聲反刑如志反

鄭曰刑臣從君坐之刑

鄭書

傳曰劓截鼻則截耳刑之輕者疏曰劓在五刑為

截鼻而刑者周官五刑所無呂刑亦云劓刑易噬嗑上九云何校滅耳鄭以為臣從君坐之刑孔意然否未明

案曰鄭云刑者臣從君坐之刑者僖二十八年季左傳衛侯與元咺訟鍼莊子為坐衛侯不勝則鍼莊子是周世有臣從君坐之刑但彼用刑而鄭于此注以刑當之者春秋之法不盡合周初之制也

王曰外事汝陳時臬司師茲殷罰有倫

釋文曰臬無列反

傳曰外土諸侯奉王事汝當布陳是法司狝其眾及此殷家刑罰有倫理者

兼用之疏曰臬為準限之義故為法也衛居殷墟周承殷後刑書相因故兼用其有理者若今律無條求故事之比也

案曰傳疏以康叔時為州牧故以外事為外土諸侯之事康叔為之陳法是也臬訓法疏言準限之義者說文木部云臬射準的也爾雅釋宮云楨謂之棧在地者謂之臬鄭璞曰杙檠也臬門檠也玉藻云公事自闕而私事自闕東此與門限之闕相連準的限制皆法義也殷罰者荀子卷十六正名篇云後王之成名刑名從商爵名從周楊倬注云後之王者有素定成就之名謂舊名可法效者商之刑法未聞康誥曰殷罰有倫是言殷刑之尤當也據此則命康叔師般罰不但因其國俗亦以殷刑最允故也

又曰要囚服念五六日至于旬時不蔽要囚

釋文曰要於背反蔽必世反

傳曰要囚謂察其要辭以斷獄既得其辭服膺思念五六日至于十日至于三月乃大斷之言必反覆思念重刑之至也疏曰顧氏云又曰者周公重言之也

案曰傳以要為要辭者周禮鄉士云異其死刑之罪而要之鄭注要為其罪

法之要辭是也要囚二字兩見于此章又兩見于多方篇孔子此章皆釋爲
獄辭之要于多方篇前釋爲要察獄情後釋爲執其朋黨前後異義則不可
當皆以爲獄辭之要蔽爲所者太宰云八曰官計以弊邦治小宰云以聽官
府之六計弊羣吏之治鄭皆以弊爲所說文無弊字有蔽字弊卽蔽也昭十
四季傳邢侯雖子爭田叔魚攝理蔽罪邢侯杜預云蔽斷也是也國語卷十
五晉語蔽獄之日叔魚抑邢侯韋昭注蔽決也決亦斷義也十日爲旬三月
爲時旣得要辭猶必服念五六日至旬時乃大斷之者小司寇云以五刑聽
萬民之獄訟附于刑用情訊之至于旬乃蔽之鄉士云辨其獄訟異其刑
之罪而要之旬而職聽于朝遂士二旬而職聽于朝縣士三旬而職聽于朝
皆司寇聽之方士三月而上獄訟于國司寇聽其成于朝是也

王曰汝陳時臬事罰蔽殷彝用其義刑義殺勿庸以次汝封乃汝盡遜曰時敘

惟曰未有遜事

釋文曰葬以支反

傳曰陳是法事其刑罰斷獄用殷家常法謂典刑故事義宜也用舊法典刑
宜于時世者以刑殺勿用以就汝封之心所安乃使汝所行盡順曰是有次

敘惟當自謂未有順事君子將興自以爲不足

案曰荀子卷九致仕篇引此義刑義殺云云又卷二十宥坐篇亦引此經竝作勿庸以卽女惟曰未有順事與僞孔本不同又皆申說之云言先教也楊倞注云當先教後刑躬自厚而薄責于人也然則勿庸謂勿遽用刑順事謂教民之事言勿遽用刑以卽政女當思曰我未有順導民之事其義與僞孔傳小異惟孔子家語卷一始誅篇孔子曰上失其道而殺其下非理也上殺之不行罪不在民也書云義刑義殺勿庸以卽汝心惟曰未有慎事王肅曰言刑殺皆當以義勿用以就汝心之所安又當自謂未有使人可順守之事且陳道德以服之以無刑殺而後爲順此所引釋則同今本家語王肅私定孔傳疑出肅手故合也

已汝惟小子未其有若汝封之心朕心朕德惟乃知

傳曰已乎他人未其有若汝封之心言汝心最善我心我德惟汝所知欲其明成王所以命已之款心

案曰定六年傳太姒之子惟周公康叔爲相睦故云朕心朕德惟乃知也

凡民自得罪寇攘姦宄殺越人于貨啓不畏死罔弗慙

傳文曰罔弗半反慙言無畏多反徒畏反。案曰受文引作凡

民罔不慙孟子引作罔不畏死凡民罔不誠徒對反同馬光法書注同

傳曰凡民用得罪爲寇盜攘竊姦宄殺人顛越人于是以取貨利啓強也自強爲惡而不畏死人無不惡之者言當消絕之

案曰傳以自爲用古雖有此訓然荀子卷十七君子篇云聖王在上分義行乎下世曉然皆知夫爲姦雖隱竄逃亾不足以免莫不服罪書曰凡人自得罪此之謂也此以自作服罪解蓋殺人取貨惡之大者有誅無赦必服其罪苟義得之傳非也傳又以啓爲強慙爲惡散強釋詰文說文卷三下支部云散冒也从支昏聲周書曰啓不畏死冒昧爲惡自強爲惡義亦同又卷十下心部云慙怨也从心敔聲周書曰凡民罔不慙怨與惡意亦通也孟子萬章下篇引此下三句而申之云是不待教而誅者也對上文勿庸以卽惟曰未有順事當先教後刑此殺人取貨昭然服罪故不教而誅

王曰封元惡大慙矧惟不孝不友子弗祇服厥厥父事大傷厥考心于父不能字厥子乃疾厥子于弟弗念天顯乃弗克恭厥兄兄亦不念鞠子哀大不友于弟

惟弔茲不于我政人得罪天惟與我民彝大泯亂曰乃其速由文王作罰刑茲

無救傳文曰亂居六反弔
自的泯徐武軫反

傳曰大惡之人猶爲人所大惡況不善父母不友兄弟者乎言人之罪惡莫大于不孝不友爲人子不能敬身服行父道而怠忽其業大傷其父心是不孝爲人父不能字愛其子乃疾惡其子是不慈爲人弟不念天之明道乃不能恭事其兄是不恭爲人兄亦不念稚子之可哀大不篤友于弟是不友惟人至此不孝不慈不友不恭不于我執政之人得罪乎天與我民五常使父義母慈兄友弟恭子孝而廢棄不行是大滅亂天道當速用文王所作違教之罰刑此亂五常者無得赦**疏曰**釋親云善父母爲孝善兄弟爲友茲惡猶爲人惡況不孝弟乎孝經云五刑之屬三千而罪莫大于不孝是也考亦通生亦卽此文及酒誥是也禮云或曰考是對劓耳天明卽孝經云則天之明左傳云爲父子兄弟姻婭以象天明是于天理當然爲天明白之道

案曰元惡大憝者揚子法言卷二修身篇云君子悔吝不至何元儆之有李軌注云元儆大惡也元儆卽稟括此經元惡大憝之文故李軌以爲大惡也

承上殺人取貨因爲大惡起下不孝不友爲惡尤大也上稱厥父下稱厥考
疏云考通生歿者鄒璞尔正注云禮記生日父母歿曰考妣今學者從之尚
書曰大傷厥考心事厥考厥長聽聽祖考之彛訓如考考妣倉頡篇曰考妣
延季明非歿生異稱是也傳以鞠爲稚者釋言云鞠稱也是也弔爲至者釋
詁文也此字尚書屢用之盤庚弔由靈大誥弗弔及此經皆至也詩小雅天
保神之弔矣毛傳鄭箋皆以弔爲至陸氏釋文音都歷反與此弔同此古訓
也或作如字讀解爲弔憫但據植弓畏厥溺而歿者尚皆不弔此不孝不友
之人反當弔耶此說非也傳以泯爲滅者說文無泯字惟有溷字米忍反周
禮小宗伯云王崩大肆以秬鬯泝杜子春讀爲泯二鄭从之泝卽古泯字毛
詩桑柔傳云泯滅也是也文王作罰者周禮大司徒有不孝不弟之刑周禮
雖作于周公當本之文王故云文王作罰也王符潛夫論卷四述教篇云養
稊稗者傷禾稼惠姦宄者賊良民書曰文王作罰刑茲無赦先王制刑非好
傷人肌膚斲人壽命乃以威姦懲惡除民害也是說此經之義也

又案曰僖三十三年左傳晉自季引康誥云父不慈子不祗兄不友弟不恭

不相及也又昭二十季傳苑何忌引康誥曰父子兄弟罪不相及與目季語
意同後漢書肅宗本紀元和元季詔亦引書父不慈云云李賢注引左傳胥
臣云云胥臣卽目季也王符潛夫論卷一論榮篇云堯聖父也而丹凶傲舜
聖子也而叟頑惡鯀而禹與管蔡爲戮周公祐王故書稱父子兄弟不相
及也語意竝同前文今翫父不慈四句雖似槩括此經子弗祇服厥父事八
句之文而罪不相及則此經無之蓋逸文也反側初平用法宜寬猛兼濟刑
茲無赦法嚴矣所謂刑亂國用重典也疑此下卽當繼以目季所引云云然
不可攷矣前明注疏刻本于此節不念鞠子以下脫漏甚多當是傳寫遺落
其末綴一段亦有脫字故承接不順今以意讀之云左傳引周書父子兄弟
罪不相及卽此文也不孝罪子非及父輩理所當然而周官隣保以比伍相
及趙商疑而發問鄭荅云周禮太平制此爲居殷亂而言斯不然矣康誥以
骨肉得相容隱周禮據疏人相督率之法今律大功已上得相容隱隣保罪
有相及是也此疏所引鄭說蓋出鄭志其義甚精疏駁之殊謬又以左傳所
引卽此經之文而不言逸文皆非也

不率大夏矧惟外庶子訓人釋文曰夏

鄭曰訓人謂師長

尚書疏。玉海二百二十八卷官制門

傳曰夏常也凡民不循大常之教猶刑之無

教况在外掌眾子之官主訓民者而親犯乎疏曰夏猶楷也言為楷模之常故夏為常也在外掌眾子之官主訓民者即周官云諸子文王世子云庶子也以政教諸子故為訓人諸子之官亦是王朝之臣言在外者對父子兄弟為外惟舉庶子之官者以其教訓公卿子弟最急故也

案曰鄭云云者此節鄭注殘闕也傳以夏為常釋詁文部璞注云夏義見書又釋言云夏禮也鄭云謂常禮是夏為常也疏云猶楷者禹貢納秸服釋文云秸本或作楷鄭注禮器引作秣郊特牲彙釋文秣簡八反儒行後世以為楷疏云楷法式然則夏與秣同音秣與楷相涉故夏猶楷也外庶子傳以為掌眾子之官疏以即諸子者夏官諸子掌國子之倅掌其戒令與其教治辨其等正其位國有大事則帥國子而致于天子惟所用之注云國子諸侯卿大夫士之子倅如物有副倅之倅文王世子庶子之正于公族者教之以孝弟睦友子愛明父子之義長幼之序其朝于公內朝則東而北上臣有貴

者以齒其在外朝則以官司士爲之其在宗廟之中則如外朝之位宗人授事以爵以官其登餼獻受爵則以上嗣庶子治之是也燕義云古周天子之官有庶子官庶子官職諸侯卿大夫士之庶子之卒云云與夏官諸子同是庶子卽諸子故鄭注周禮敘官亦云諸子主公卿大夫士之子者或曰庶子是也但燕義所云是天子之官故兼言職諸侯之子此庶子是諸侯之官但主卿大夫士之子也鄭以訓人爲師長之官者若天官大宰師以賢得民儒以道得民鄭注師諸侯師氏有德行以教民者儒諸侯保氏有六藝以教民者是也鄭以庶子訓人爲一其庶子注已亾疑當與傳同傳以訓人卽庶子不如鄭注明析也

惟厥正人越小臣諸節

傳曰惟其正官之人于小臣諸有符節之吏及外庶子其有不循大常者則亦在無赦之科**疏曰**正官之人若周官三百六十職正官之首于小臣諸有符節者謂正人之下非長官之身下至符吏諸有符節爲教人之故故言有符節者非行道之符節若爲官行文書而有符今之印者在軍者有旌節

亦得爲有符節耳

案曰釋詁正長也官各有長正人官之長也鄭注周禮宮正主宮中官之長甸師主共野物官之長大府爲王治藏之長此類皆是也疏云三百六十職正官之首者大雅雲漢云鞠哉庶正彼箋云庶正衆官之長也彼疏云衆官之長者周官三百六十每官各有其長若以此解正人則太繁且三百六十職中如太宰司徒六官之長其秩甚峻此經正人在庶子之下品職不甚尊恐只當指宮正之類未便以太宰等均爲正人則疏總言三百六十職者非也傳以小臣諸節爲有符節吏者馬注太誓云諸節諸受符節有司也彼太誓在軍中誓戒羣臣則諸節自是受符節從軍者此是國中之官故以諸節爲有符節吏周禮掌節上士二人中士四人則諸侯之掌節當亦不止一二入故云諸也傳兼言外庶子以庶子與正人小臣諸節竝蒙不辜以訓人非官故也疏又連教人言之則以訓人并目庶子正人小臣諸節實則皆非是當從鄭以庶子訓人正人小臣諸節四等竝蒙不辜也

乃別播敷造民大譽弗念弗庸厥厥君時乃引惡惟朕慈已汝乃其速由茲義

率殺亦惟君惟長不能厥家人越厥小臣外正惟威惟虐大放王命乃非德用

又釋文曰別
被別反

傳曰汝今在之國當分別播布德教以立民大善之譽若不念我言不申我法者病其君道是汝長惡惟我亦惡汝汝乃其速用此典刑宜于時世者循理以刑殺則亦惟君長之正道若不能治其家人之道則于其小臣外正官之吏竝為威虐大放棄王命乃由非德用治之故

案曰小臣即小臣諸節也外即外庶子及訓人也正即正人也

汝亦罔不克敬典乃由裕民惟文王之敬忌乃裕民曰我惟有及則于一人以

鄭曰敬忌祗祗威威是也鄭注**傳曰**常事人之所輕故戒以無不能敬常汝用

寬民之道當惟念文王之所敬忌而法之汝行寬民之政曰我惟有及于古則我一人以此悅懌汝德疏曰文王所敬忌即敬德忌刑故鄭云祗祗威威也

案曰鄭以敬忌為祗祗威威者表記引甫刑曰敬忌鄭彼注云忌之言戒也

言已外敬而心戒慎今于此注云祗祗威威是也祗之言敬故以敬爲祗祗威卽畏忌爲戒慎有畏意故以爲威威也顧命篇末云以敬忌天威是凡言敬忌義皆同也荀子卷八君道篇云有治人無治法法不能獨立得其人則存故明主急得其人勞于索之而休于使之書曰惟文王敬忌一人以擇此之謂也據此則擇當作擇謂擇人而用也擇得其人一人已足致治敬忌是祗祗威威則擇人是庸庸也僞孔作擇以爲悅擇且多乃裕民二句疑皆僞孔所增改也

又案曰自敬明乃罰至此詳言慎罰之事定四季傳康叔爲司寇史記亦言康叔旣封衛其後復入爲周司寇意康叔本法家故特于用刑反覆申之抑以殷俗化紂之惡而大壞非刑無以弼教與要歸于至慎不專尚嚴酷也王曰封爽惟民迪吉康我時其惟殷先哲王德用康乂民作求矧今民罔迪不迪不迪則罔政在厥邦

傳曰明惟治民之道而善安之我是其惟殷先智王之德用安治民爲求等况今民無道不之從教不以道訓之則無善政在其國疏曰爽惟民迪鄭以

廸爲下讀

案曰廸吉康鄭讀是也傳以爽爲明者說文日部云昧爽旦明是爽爲明也廸道釋詁文吉善說文口部及詩召南標有梅傳文康安時是亦皆釋詁文哲智釋言及說文口部文又治亦釋詁文說文辟部作彛隸變作又作爲亦釋言文適之邶風北門傳文釋詁適之皆爲往則適亦之也

王曰封子惟不可不監告汝德之說于罰之行今惟民不靜未戾厥心廸屢未同爽惟天其罰殛我我其不怨惟厥罪無在大亦無在多矧曰其尚顯聞于天

釋文曰說如字徐
始說反極紀力反

傳曰我惟不可不監視古義告汝施德之說于罰之所行假令今天下民不安未定其心于周教道屢敷而未和同明惟天其以民不安誅罰我我其不怨天汝不治我罰汝汝亦不可怨我民之不安雖小邑少民猶有罰誅不在多大况曰不慎罰明聞于天者乎言罪大疏曰顧氏彪云明惟天者言天明察在上見民不安乃以刑罰誅戮我

案曰監視釋詁文戾定毛詩小雅雨無正大雅桑柔及雲漢傳文屢釋言云

五也郭璞云亟亦數也詩巧言君子屢盟鄭箋云屢數也字當作婁俗爲屢非也

王曰嗚呼封敬哉無作怨勿用非謀非彝蔽時忱丕則敏德用康乃心願乃德遠乃猷裕乃以民寧不汝瑕殄

傳曰言當脩己以敬無爲可怨之事勿用非善謀非常法斷行是誠道大法敏德用是安汝心願省汝德無令有非遠汝謀思爲長久行寬政乃以民安則我不汝罪過不絕亾汝

案曰不汝瑕殄傳云不汝罪過僖七年左傳楚文王謂申侯曰女專利而不厭子取子求不女疵瑕也杜預注云不以女爲罪彙是也

王曰嗚呼肆汝小子封惟命不于常汝念哉無我殄享明乃服命高乃聽用康又民

案曰古文卷五下高部云商獻也外
漢書曰象運數動形谷作享非也

傳曰當念天命之不于常行善則得之行惡則失之無絕棄我言而不念享

有國土當明汝所服行之命令使可則高汝聽聽先王道德之言以安治民

案曰大學引惟命不于常鄭注于於也天命不於常言不專祐一家也于於

釋詁文蓋秦漢間人假借於爲于字因附益爾雅而鄭用之

王若曰往哉封勿替敬典聽朕告汝乃以殷民世享

案曰古唐石經作語釋詁告也則二字同也

傳曰汝往之國勿廢所宜敬之常法順從我所告之言即汝乃以殷民世世

享國

案曰殷民即前文所謂應保殷民者也

尚書後案卷十五